


Et dixit eis. Quid turbamini
et cogitationes ascendunt in
cordibus vestris. Nunc videte manus meas et
pedes meos: quia ego ipse sum. Palpa-
te et videte: quia quod tamen ex-
pectatis sicut me videtis hic. Et
cum hoc dixisset: ostendit eis
manus et pedes. Ad hoc sunt ista
signa non credentibus et mirantibus
et gaudio dixit habens
aliquid quod manducaret. Atque
obtulit eis panem piscis assati
et famuli mensis. Et cum manduca-
visset coram eis surrexit et reliqua
dedit eis et dicens.







D E

DESPERATA
CALVINI CAV-
SA, TRACTATVS

breuis,
Ex cm Camaldul pp Vassari
Lectum non minus vtilis, atque incundus:

in quo

SECTÆ CALVINISTICÆ
Non tam picta effigies, quam viuum
corpus, cuius spectandum ad o-
culum exhibetur;

adornatus

Ex libris Gregor. vniuers. lib. p. 100
in gratiam EVANGELICORVM

Protestantium:

AVTHORE


Petro Cudsemio Cliuovvesaliensi.

Saluator ad Petrum Apost.

Luc. 22.

Et tu aliquando conuersus, confirma
fratres tuos.

MOGVNTIÆ, Ex Officina Ioannis
Albini, Anno 1609.



Paulus ad Timoth.

1. Tim. 1.

A. VI. 1. Qui prius blasphemus fui, & persecutor, & contumeliosus: sed misericordiam Dei consecutus sum, quia ignorans feci in incredulitate.

REVE-



REVEREN-
DISSIMO, ET ILLV-
STRISSIMO DOMINO, ET
in Christo Patri, Domino ATILIO A-
MALTHEO, Archiepiscopo Athe-
niensi, & S. Apostolicæ Sedis per
Germaniam inferiorem
NVNCIO, &c.

S. P.

humillimus & obedientissimus servus,

Petus à Cudsem.



*I ex pennis auiculam, ex cau-
da vulpem, & ex ungue leonē;
certè ex infallibili Angelica
natura signo satis animaduer-
ti, Reuerendissime, & Illustris-
sime Presul, quantum tibi cum Christo, &
cælestibus mentibus, communionis & com-
mercii intercedat. Christus Ap̃x̃m̃pl̃m̃ Pa-
stor adeò bonus est, ut animam ponat pro o-
uibus,*

Ioh. 10.

Luc. 15.

uibus, & nonaginta nouem relictis, centesimam eat quæsitum, inuentam, humeris suis imponat, domumque reportet. Angeli Dei verò ita erga Christi oues affecti sunt, ut gaudium sit coram ipsis super vno peccatore pœnitentiam agente. Similis quædam apparet imago, Reuerendissime Antistes, in præstantissimâ virtutum tuarum ἐγχο-
κλοποιῶν. α. Etenim ut illarum centesimâ solum, quasi nonaginta nouem relictis, perlustrem, quâ nempe pro commisso grege, noctes diesque, etiam cum vita, fortuneque, discrimine, instar boni Pastoris, in finibus circumgrassantium luporum, vigilas, video te ouium non solum partarum, ne quid periculi capiant, satagere, sed etiam ab Ecclesie peculio errantium curam gerere; de quibus ouili restitutis summoperè cum Angelis in cœlis exultare. Miser ego à matris ventre in eremo educatus, locisq; desertis cum lupis oberrans, nihil vidi, nihil audini, præter syluestrem & horridam quandam immanitatem, & mendaciorum ululatum: Felix ego, quam primùm paululū excessi syluis, & in veritatis planitie caulam ouium aspexi, inque eâ vocem Christi audini, no-
lui

PRÆFATIO

3

hui mihi amplius esse cum feris lupis, sed in posterum cum mansuetis ouibus domiciliū. Pastor me primo accessu, tanquam lupinum fetum non modo repudiare, sed & unico ictu ferire, & trucidare poterat: verū ambabus me vlnis excipit, & à lupis distinguens, S. Confirmationis charactere signat, reliquisque ouibus agnellum aggregat: Nec tantum suorum fidelium gregi associat, sed etiam paulo post magni Pastoris Reuerendissimi & Illustriss. Cardinalis Bel-larmini, patrocinio munit, qui non sine cōmendatitiis literis, liberali viatico, pater-no osculo, & amplexu, me Romæ à se demittit: Et ut summam dicam, supremi sui in terris Vicarii cura committit, qui deinceps me Tibi, Reuerendissime Præsul, fidelissi-me gregis Dominici custos, tanquam in patriis pratis, & campis pascendum commendaui. Quo nuncio accepto non solum incredibili perfunderis delibutus gaudio, verū etiam mihi incognito, absenti, & adhuc longè à patria remoto, aperis liberalitatis tue Thesaurū, & viscera paterni affectus, non secus ac Pater Euangelicus, qui in dissoluta vite filii, ad patrios lares cōuersi, occursum

A 3

abit,

abit, illique nudo stolam, & calceamenta
 deferri mandat, ac honestam deinceps secū
 mansionem domi commonstrat. Qua de re
 gratitudinis loco, et si domi necdum sum, sed
 in proximo eius quasi limine harescam, ex
 confecto biennalis peregrinationis cursu
 nonnihil defatigatus, viresque recolligens,
 libris, & omnibus ad studia idoneis instru-
 mentis adhuc destitutus, ne nihil agerem,
 capi aliquem meditari tractatum, quo sal-
 tem aliis patefacerem, me lupinā naturā
 exutā, ouinam induisse: domoque Hereti-
 cum peregrē exiuisse, Catholicum verō do-
 mum rediisse. Ovis enim pecus est non mo-
 dō imbellis, mansueta, patiens, &c. sed in-
 primis frugifera, suūq; semper pastorem
 & benefactorem suis locupletat beatque
 bonis: lacte, lanā, pelle, carnibus. Et certē
 si etiam illius stercora, fimusque vsum su-
 um habet, magnamque terra effæta, arida,
 & sterili utilitatem affert, scio quo loco ha-
 bere debeam hanc meam abortiuam operā.
 Quæ si cui Pastorum commendanda est, ne
 luporum morsibus prorsus dilaceretur, &
 dente Theonino rodatur, certē Tibi, Reue-
 rendissime, & Illustrissime ATILI, mal-

torum pastorum præfidi, & ornamento; Tibi, inquam, quem Sanctissimus D.N. Papa PAVLVS V. suâ commendatione ipse mihi Patronum designauit, mei laboris fruges, frugumque in Catholico ouili primitias, ut iure debeo, sic merito soluo, offero, consêcro: humillimè maiore in modum T. Illustriss. Reu. rogans, ut captis clementer faueat, authoremque suo patrocinio benigniter foueat, & tueatur. Et si quidem libellus hic meus serenissimi vestri nominis splendore, cui potius tenebras offundit, quam lucem, indignus est, tamen illius radiis non nihil illustratus, dignus fieri potest. qui multis, in tenebris & umbrâ mortis, ad perpetuam sui perniciem, desidentibus, lucem Catholica veritatis, cœlestemque vitam, ad æternam animarum suarum salutem, afferat. Sol radiis suis illustrat vniuersum terrarum orbem, sed non nisi mediante aëre: Sic Christus sol iustitiæ, & lux cœlestis, verbi sui radiis omnem illuminat hominem, sed non nisi externo S. Ecclesiæ ministerio, cuius fulgore omnis errorum nebula dissipatur. Ego, ut opinor, centum etiam annis demi, hoc est, in Calvinismi pomariis, legē-

do & perlegendo, omne genus libros, doctior fortassis, sed melior, magisque pius inde non euasissem, nisi foris Ecclesie lucem aspexissem, cum quâ collata Calviniana Synagoga mihi tenebrosa Aegyptus esse apparuit. Et hoc est quod detinet sectæ illius etiam Academicos Doctores, viros aliquot eruditione, & omni scientiarum genere quasi absolutos, in suâ hæresis caligine, in qua nati, & educati, nullum aliûs religionis cultum, exercitiumque, unquam viderunt. Sed de bonis tamen semper bene sperandum est; ac quia Illustriss. V. R. magnoperè afficitur Ecclesie curâ, eiusque salute, & incolumitate maximè delectatur, volui in libelli mei calce, de Decremento sectæ Calvinistice, quantum de illo conicere licuit, aliquid aducere. Qui enim benè cōiiciet, Consul Romanus, Cicero, lib. de diuinat. vatem perhibet optimum. Impleat spēs, & vota nostra Dominus, quem ad dextram patris sedentem regnare oportet, donec ponat inimicos scabellum pedum suorum: illi sit maiestas, potentia, robur, & gloria, in omnem eternitatem, Amen.


NE videar eandem recoquere crā-
bem, & bis coctam, Lectori noui-
tatis auido, tanquam famelico conui-
uæ, in tam exiguo paucorum folio-
rum, ceu ferculorum, apparatu, ad
nauseam proponere, causas, quas ha-
ctenus, pluribus aliquot ab hinc an-
nis, viri non modò sapientes & erudi-
ti, sed etiam natalitio gentis suæ splē-
dore nobiles, illustres, imò illustrissi-
mi duces & principes, cum in Germa-
nia, tum in Gallia, saluificæ suæ ab hu-
ius tempestatis hæresibus, ad vnā,
Sanctam, Catholicam, & Apostolicā
Christi Ecclesiam, conuersionis, gra-
ues & iustas in publicum ediderunt,
huc reuocare, vel nouis coloribus il-
lustrare omitto. Cum enim in lucem
edita tot principum virorum, quibus
ego, vt vel aquam ministrem, dignus
non sum, documenta, tot præclara re-
rum testimonia, tot pietatis argumen-
ta, tot salubria consilia, & admonitio-
nes, suæque conuersionis tot Apolo-
getica scripta tam exiguam vim, &
pondus hæctenus obtinuerunt, laterẽ

lauaret, quisquis iisdem pugnaturus armis, & argumentis, peruicaciam illam fastuosorum hominum, & duriciem cordis contundere, vel emollire saltem conaretur. Et quanquam repetitæ eiusmodi rationes, atque antitheses, quibus Ecclesia, & Hæresis, tanquam contraria iuxta se posita magis illucescunt, paucos aliquot moraliter probos, & bonos, quorum vnus in biuiu hæsitet, alter erroris viam perambulet, in veritatis, & salutis semitam fortè reuocare possent; tamen vt simul & semel vniuersis, ac singulis vanitas, & futilitas CALVINIANÆ HÆRESEOS, ac DESPERATA CAUSA clarè innotescat, operæ pretium me facturum putauì, si pestilentis istius sectæ animam, & corpus: caput, & caudam, ad viuum depingerem, & suis met coloribus illuminarẽ. Ante omnia verò protestor, mihi in hoc breui instituto propositum non esse personalia vitia, & enormia quorundam Prædicantium delicta, atque maleficia velle detegere, iisque amarul-

rulentè obiiicere: sed ea tantum in timore Dei attingere, ad publicam Ecclesiæ utilitatem, & exoptatam errantium salutem, quæ circa CALVINISMI doctrinam, & praxin, puer à tenerâ meâ infantiâ ad virilem, huc vsque ætatem didici, vidi, audiui: inque his promitto me neque veritatis modum, neq; honestatis, & verecundiæ fines excessurum. *Omnis Apostata*, trito sermone factum est proverbum, *osor est sui ordinis*, atque gentis. Id si ita est, vt experientiâ, rerumque vsu compertum est, atrocem, & manifestam mihi infert iniuriam, quisquis illo me nomine suggillat, quod nullû in me sentiam neque odii, neque inimicitiarum in nationem meam, ita miserè seductam, & prioris fidei confortes, affectum; sed contrâ potius meis quotidie precibus, meis inquam suspiriis, & sæpiusculè lachrymis, ipsorum salutem diuinæ misericordiæ commendo, eamque supellex ardentibus votis oro, vt pœnam benè meritam à Germania nostrâ, ac imprimis

meâ

meâ patriâ CLIVENSI, & IULIACENSI, quæ quadraginta circiter annis, alieno bello, rapinis, pagorum exultione, aquarum inundationibus, peste, fame, omniumq; Dei poenarum flagellis afflictâ fuit; tandem etiam natiuo suo principe, patre patriæ, orbatur, clementer auertat, & nos sanctæ suæ Apostolicæ Ecclesiæ restituat, nobis verò pristina aureæ pacis tempora. Quapropter omnes appello pacis, & veritatis amantes, eosque obnixè precor, ut hæc eo animo, quod à me proficiscuntur, excipiant, & in meliorem partem dictâ, scriptaque, interpretentur, si temerè, & inconsultò à S. Augustino enarrat. in psal. 36. prolatum non existiment, admonente: *Tantò magis debemus commemorare vanitatem hereticorum, quantò magis quarimus salutem eorum.*



DE Calvinianâ Hæresi, re admodum confusâ, & perturbatâ, tractatulum editurus, ne beneuolum lectorem, meque ipsū
inex-

inexplicabilibus eius tricis implicarē, maioris lucis & claritatis gratiā, illum in certam methodum, & duodecim capitum ordinem disposui, quem censuram mecum studiosus lector in ingressu huius labyrinthi, atque egressu, tuto sequetur. Capite I. fiet Ecclesie obiter mentio. Cap. II. Hærescos vniuersæ natura, & proprietates quedam explicabuntur. Cap. III. Nostri cui seculæ quæ, & quot, indicabuntur. Cap. IV. Reliquis missis Calurnianam sectam hærescos conuincemus. Cap. V. Doctrinam & Traditiones eius expediemus. Cap. VI. Mutuas illius dissidias & schismata prodemus. Cap. VII. De Piscatorianis. Cap. VIII. De Arminianis sermo instituetur. Cap. IX. Sectæ Calvinisticæ praxis, id est, Ecclesiastici ritus, & ceremoniæ depingentur. Cap. X. Eius status in Gallia. Cap. XI. Eius status in Anglia. Cap. XII. Eius status in Germania describetur.

C A P. I.

De Ecclesia.



Eti præsentis non sit instituti mentionem facere de Ecclesiâ, tum quia eius mactas

iestas, & amplitudo augustior est, quā
quæ angusto hoc verborum compen-
dio explicetur, tum quia peculiarem
eius διατύπωσιν, atque explanationem
loco, & occasione commodiore, Deo
iuuante, pertractandam mihi reseruo,
tamē sectarum, ac hæreseos naturam,
pellemq; descripturus, Ecclesiæ me-
moriam silentio prorsus inuoluere nō
possum, non solum propter vim op-
positionis, sed etiam originis ordinē.
Omnis enim hæresis defectio est, se-
cessio, & apostasia ab Ecclesia; & Ec-
clesia prior est omni hæresi, sicut ve-
ritas mendacio, bonitas malitiâ, recti-
tudo curuitate, affirmatio negatione:
vt meritò citra omnem controuerfi-
am valere debeat, illud vulgi ore tri-
tum, & decantatum: *Antiquissimum*
quodque verissimum; itemque *omnis in*
religione nouitas, vanitas. Pulchrè hoc
parabolicâ similitudine, qua homo i-
nemicus in agro dominico, post spar-
sum semen bonum, superfeminat zi-
zania, Christus, ipsa veritas, & sapien-
tia, in Euangelio declarat, Matth. 13.

Luc. 8.

SECTÆ CALVINISTICÆ. 15

Luc. 8. ad quem locum alludens Tertullianus, scitè admodum loquitur, lib. de præscr. cont. Hæret. cap. 31. *Ex ipso ordine manifestatur id esse dominicum, & verum, quod sit prius traditum; id autem extraneum & falsum, quod sit posterius immissum.* & lib. contr. Praxeam Hæreticum: *Quo perequè aduersus vniversas hæses iam nunc præiudicatum sit, id esse verum, quodcunq; primum: id esse adulterum, quodcunque posterius.* Similiter lib. contr. Hermog. Hæreticum, in princ. clarè admodum: *Solemus, ait, Hæreticos compendii gratiâ de posteritate præscribere. In quantum enim veritatis regula prior, quæ etiam futuras hæses pronunciauit; in tantum posteriores quæque doctrinæ * hæses præiudicabun-* NB.
tur. Exempli gratiâ: Lutherani Calvinistas, & Zuinglianos Hæreticos esse clamitant, quia ipsis posteriores, & ab ipsis defecisse cognoscuntur: Similiter Calvinistæ Piscatorianos & Arminianos Hæreticos pronunciant, quia ipsis posteriores, & à puris Calvinistis defecisse iudicantur.

ECCLESIAM itaque, ut est visibilis Christianorum cætus, (neque enim de inuisibilibus, & occultis iudicium, & sermo noster est) eiusdem fidei, & Sacramentorum communione, in legitimum ac optimum, sub perpetuo pastorum, Episcoporum, Romanique Pontificis regimine, ordinè dispositus, & à Iudæis, Paganis, Hæreticis, & Schismaticis distinctus, quatuor potissimum titulis ornata in scripturis reperio, quibus non solum omnis eius decor, virtus, & pulchritudo, sed & arctissima eius essentia, & natura quodammodò explicatur.

Primò dicitur *Christi sponsa*. Cant. 6.

Secundò *Christi corpus*. Rom. 12. 1. Cor. 10. & 12. Eph. 1. & 4.

Tertiò *Christi Regnum*. Dan. 7. Luc. 2. & 17.

Quartò *Domus Dei* 1. Tim. 3. Vnde vicissim Christus in scriptura appellatur *Ecclesie sponsus, Caput, Rex, Paterfamilias*.

Si quando Ecclesia in scripturis, vel SS. Patrum libris *Mater* appellatur,
& in

SECTÆ CALVINISTICÆ. 17

& in Cant. *Amica, Columba, Soror, &c.*
ad primum titulum: si quando spiri-
tualis *Noë arca, & unum ouile* Ioh. 10.
ad vltimum: si quando *ciuitas, inexplu-
gnabilis arx, & turris*, similiter ad vlti-
mum, vel tertium commodè referun-
tur.

Duobus prioribus intima signifi-
catur, & indissolubilis Christi cum Ec-
clesia vnio; duobus posterioribus in-
tima & perpetua eiusdem cum eâ
communio, atque cohabitatio.

Si est SPONSA Christi non est ni-
si vna, quia sponsus est, qui habet spō-
sam, ait Ioannes Bapt. (non sponsas) *Ioh. 3.*
Ideoque *mysterium illud*: viri & fœmi- *Eph. 5.*
næ coniugalis vnio, *magnum est*; Ego
autem dico in Christo, & Ecclesia. (non
Ecclesiis) Est ergo tantum vna, quia
sponsa est, non concubina, multò mi-
nùs meretrix. Imò si est sponsa CHRIS-
TI, vna est, quia Christus vnus est,
nec Christus vnus bigamus est, nec
polygamus: Vnius est vna tantum, nō
vt vnus Iacobi Rachel, sed vt vnus
Adami Eua. Meritò igitur faceffant i-

stæ vociferationes: *Ecclesia Gallicāa, Ecclesia Anglicana-Catholica, Ecclesia Palatina, Ecclesia Saxonica, &c.* in primis cū illæ, cuiusmodi authorib. ipsismet testibus, vno nō spirent spiritu, neq; vnâ animâ viuant. Sed multò magis insanum est, quādo bacchantes isti Ecclesiā, q̃ Christi aliquando fuisse sponsā fatentur, vel adulterā clamitant, vel prorsus interiisse, & mortuā simulant, Christū q; longo tempore viduum, tandē ad secundas nuptias, cū alia coniuge, transfuisse occultè insinuant. Quare cōcludo, si Ecclesia est sponsa Christi, nunq̃ errare potest, nunquā adulterinum semen, & spurcas errorum ac hæresum sordes in castum suum sinū, & virginalē gremium recipere, quod spōsæ hui⁹ parauymph⁹, eiusq; pudicitia custos, sit Spiritus S. qui eam ducit in omnem veritatem. Quod si Ecclesia est CORPUS Christi, iam etiam illius tanquā capitis spiritu regitur, & ab illo omnē suum succum, & gratiarum humorem inibibit, sicut caput in corp⁹, omniaq; eius membra influendo sese communicat. Et certè si corpus est CHRISTI,

SECTAE CALVINISTICAE. 19

eius substantiâ, non pane, vel cibo aliquo terrestri pascitur, & sustentatur.

At si Ecclesia est REGNUM Christi, sanè non est confusû aliquod hominû chaos, corpus αἰθέραλον, sine capite, & rectore, tumultuans. Regnum. n. est, nō αἰαρχία: & quia regnum CHRISTI, summus in illo & sapientissimus ordo est, quo alii subditi constituuntur, alii præfecti: atque præfectorum iterum quisque suis collocantur gradibus, ad locum aliquem in iis primum vsq; , & supremum. Hoc Monarchico ordine Christum in terris suum inchoasse ac fundavisse regnum, neq; hæretici inficias ire audent, quem etiam Philosophi, & sapientes Gentilium nō modo omnium esse perfectissimû, sed & undiquaque optimum, eruditè tradiderunt. Hoc verò nimis insulsum est, & friuolum excipere, in Ecclesiæ exordio Monarchiam viguisse, sed illam iniquorum temporum successione, atque progressu, in Aristocratiam devissse. Nos potius, quia regnum hoc est æternum, & nullus eius est futurus

*De Christo
concedit
Calu. l. 4. c.
6. §. 3. De
Petro 16. §.
8. fuisse A-
postolorum
Principem,
& in Eccle-
sia prima-
tum obta-
nuisse.*

*Deinceps
factam esse
Ecclesia po-
restatē A-
ristocrati-
cam li. 4. c.
11. §. 6.*

finis, suum quoq; primæuum & nati-
 uum ordinem, statumq; suam item li-
 bertatem, iura, regalia, priuilegia, &
 quicquid bonorum in illud Christus
 Rex contulit, nunquam amittere cō-
 tendimus. Tale. n. decet Christū Re-
 gem regnum, cuius excellentiā, atque
 maiestate nihil à nobis dici, aut cogi-
 tari possit excellentius, maius, aut per-
 fectius. Desine ergo, desine, inquā, Ec-
 clesiam, Christi regnū, reformare, vitā
 tuam reforma, mores emenda, atq; o-
 stende te tanto regno, atq; imperio in-
 colam, & subditū non indignū. Quo-
 rum est receptaculū domus illa Dei?
 regnum hoc Christi? non Italarum tā-
 tum, non Hispanorū tantum, &c. Sed
 etiā Indorum, Iaponēsium, Americo-
 rum, Brasiliensium: omnium populo-
 rū, omnium gentium, Regū, & Princi-
 pū. *Euntes in mundū vniuersum, predica-
 te Euangelium omni creaturæ.* Marc. 16.
Matt. 28. Exiuit sonus eorū in omnē terrā
*Act. 1. Vt omnis lingua confiteatur, q̄ Do-
 minus Iesus Christus est in gloria Dei patris.*
Philip. 2. Omnis tribus, populus, & lingua
illi

illi seruiant. Dan. 7. Et timebunt gētes nomen tuū, & omnes reges terra gloriam tuā. Ps. 101. Et adorabunt eū omnes reges, omnes gentes seruiant ei. Ps. 71. Quo vsq; illud se extēdit? Dominabitur à mari, vsq; ad mare. Ps. 71. Ab ortu solis ad occasum nomen meum magnū est in gentibus, & in omni loco sacrificatur, & offertur nomini meo oblatio munda, quia magnum est nomē meum in gentibus. Mal. 1. Dabo tibi gentes hereditatem tuam, & possessionem tuam terminos terra. Ps. 2. Quamdiu autem durat? Donec ponat inimicos scabellum pedum suorum. Ps. 109. Regnum eius regnū sempiternum. Dan. 7. & 9. Regni eius non erit finis. Luc. 2.

Tandem si est DOMVS Dei, in illa nos oportet nasci, in illa ali, & sustentari, non alias præter hanc domum foris exstruere casas, non alia inhabitare turgia, non alias quærere ædículas: & quia est domus DEI, extra illam salus non est, quia salus & liberatio à Deo est, qui inibi, non alibi, domesticos suos non extraneos, omnibus paternis vult beare & satiare bonis. Vlti-

22. VIVĀ EFFIGIES

mò si est domus Dei, certè stabilis est, immota est, nullis persecutionū tempestatibus, atq; procellis potest collabescere; nulla errorū haresumq; colluie, atq; inundationibus diffluere: nullo prorsus hostiū, & Aduersariorū impetu dirui, atq; subuerti. Atq; hoc est quod ait Christus: *super petrā ædificabo Ecclesiam meam, & porta inferi non præualebunt aduersus eā*, Matth. 16. non verò sicut homo stultus *super arenam*, vt eā paulò post alibi reponere cogar, & ex veteris domus ruderibus, atque frustis exædificare nouā: quod tamen Christo contigisse Calvinus expressè affirmat, dum ait: quod *Deus ab ipsa quoq; vastatione semirutum ædificium superesse voluit*, ex cuius reliquiis, & ruinis sibi iam * nouum exstruxit. Ex his breuiter dictis satis luculentè, vt existimo, constat, Ecclesia Christi quid sit, & quomodo comparata; quod sit vna, quod casta, & impolluta, nullisque errorum maculis, vel rugis deformis; quod sit æterna, nempe contra omnes inferorum portas in rupe fundata,

lib. 4. inst.
c. 2. §. 11.

*

Caluinia-
mon.

SECTÆ CALVINISTICÆ. 23

data, quæ neq; corruere, neq; loco dimoueri potest; quod sit optimâ formâ & ordine constructa, distinctis officiis, & gradibus in vnum regimen composita; quod sit amplissima, quæ à mari ad mare, ab oriente se extendit ad occidentem, quod sit Catholica, hoc est vniuersa, & omnium nationum, populorumq;, Regum, ac Principum Receptrix, & Mater; deniq; in quâ solâ salus, & extra quam perpetua ad ignem æternum damnatio.

C A P. II.

De Hæresi.

QUod cõtingit in omni Regno, hoc etiã in Christi in terris regno accidere non solum S. literæ, sed tristis etiã euentus, & deplorata hæc nostra ætas, nostrum inquam ipsorum exemplũ, ad oculum clarè docet. Quod vnquam in terris ab exordio mundi extitit regnum, in quo nihil vnquam à subditis fuit excitatum tumultus? in quo nulla vnquã discordia? nulla per-

turbatio, nulla vnquam rebellio: ecce similis casus in regno suo futuros prædixit Imperator Christus ipse: *Mul-
ti Pseudoprophetae surgent, & seducent*
Matth. 24. multos, quoniam abundauit iniquitas,
refrigiscent charitas multorum. Et Paulus, magnus huius regni Dux, & princeps: *Oportet inter vos esse hæ-
reses, ut qui probati sunt, manifesti fi-
ant.* Quid hoc est Hæresis? nomine quidem opinio, & priuatus alicuius cōtra vniuersæ Ecclesiæ spiritum sensus, sed re apostasia in fide: initio est schisma & separatio ab Ecclesia; fit deinde rebellio, & pugna contra Ecclesiam, quam primò palam accusare, ut iusta videatur secessionis causa, postea vi, & polemicis scriptis oppugnare, Ecclesiæ nomen, titulos, & iura sibi vsurpare, & tandem etiam eius bona, & possessiones inuadere, solet. Hæresis igitur est ille tumultus, ista perturbatio, factio, & rebellio, quæ in Christi in terris regno, hoc est in suâ apud nos Ecclesia, Diaboli, hominumq; malitiâ, euenire solet. Et quia
Hære-

SECTÆ CALVINISTICÆ. 25

Heretici, sui Reguli, qui se in Angelum
lucis transformare potest, exemplo, *Cypr. epist.
73. ad Iu-
basianum.*
sunt, ut ait Cyprian. *simia Catholicorum*,
aliquot hæreseos signa, proprietates,
& notas exprimemus: quæ etsi nume-
ro tot sunt à contrario sensu, quot Ec-
clesiæ à Catholicis attribui possunt,
tamen pauciores, easque, quæ directè
in vniuersam hæresin, omnium homi-
num calculo, & suffragiis competunt,
afferemus.

PRIMO itaque omnis Hæresis, *Hæreseos
Nota.*
quia schisma est, & apostasia ab Eccle-
sia, habet NOVITATIS notam, quâ
quidem maximè notâ Sanctos Eccle-
siæ Catholicæ patres aduersus omnē
Hæreticorum lernam semper gloria-
tos fuisse, & triumphasse constat. Ter-
tull. lib. de præscript. *Qui estis vos? unde,
& quando venistis? ubi tam diu latui-
stis?* S. Optatus lib. 2. contr. Parmen.
*Vestra, inquit, Cathedra originem ostendi-
te, qui vobis vultis Sanctam Ecclesiam vè-
dicare.* S. Hieron. in epist. ad Pamma-
chium, & Oceanum. *Quisquis, inquit,
assertor es nouorum dogmatum, quaso te*

ut parcas humanis auribus, parcas fidei, quæ Apostolico ore laudata est. Cur post quadringentos (hodie post mille & sexcentos) annos docere nos niteris, quod ante nesciuimus? usque in hunc diem sine vestra istâ doctrinâ Christianus mundus fuit.

SECUNDO, omnis hæresis quia noua est, ab AVTHORE VNO, à quo sicut vitam, ita & nomen accipit, & quidem homine Ecclesiastico, superbo, & ad turbas nato, progenita est certo loco, & tempore. Hanc etiam tradunt S. S. Patres. Sanctus Iustinus in Triph. de Hæreticis: *Et sunt, inquit, dictis cognominibus, denominati à quibusdam viris, ut quisque fuit author alicuius nouæ doctrinæ; ex iis alii vocantur Marcioniste, alii Valentiniani, alii Basilidiani, alii Saturniniani, alii alio vocabulo, quisque à primo inuentore sui dogmatis.* Sanctus Irinæus, lib. 1. cap. 20. *Habent, inquit, & vocabula à principe impiissimæ sententiæ Simone, dicti Simoniani.* S. Chrysost. hom. 33. in Act. Apost. *illi habent quosdam à qui-*

SECTÆ CALVINISTICÆ. 28

*quibus appellantur: prout enim Hæresiar-
che nomen, ita & secta vocatur. Quod au-
tem eiusmodi authores sint Ecclesiæ
homines, vitâ improbi & sensibus cla-
ti, docet S. Aug. de vera relig. ca. 8. Ex
his, inquit, hominibus hæretici sunt, qui si
in Ecclesia permansissent, nihilominus er-
rarent. Idem lib. de pastor. cap. 8. Di-
uersis locis sunt diuerse, sed una mater su-
perbia omnes genuit, sicut una mater no-
stra Catholica omnes Christianos fideles, to-
to orbe diffusos.*

TERTIA nota est, q̄ omnis ab origi-
ne Ecclesiæ ad præsens sæculū M. DC.
hæresis ab ECCLESIA ROMANA, con-
uocatâ Concilii cōgregatione, & Do-
ctorū Catholicorū scriptis DAMNA-
TA est: quia. n. contra Ecclesiā rebellio
est, hanc Ecclesia non alio nisi spiritus
gladio, & ANATHEMATIS fulmine
vindicat, & trucidat. Hæc satis colligi-
tur ex inductione exemplorum, & ex
S. Hieronymo lib. 9. Apol. cont. Ruff.
vbi ait: *Scito Romanam fidem Apostoli-
cā voce laudatam eiusmodi prastigias non
recipere.* Sanctus Cyprian. li. 1. epist. 3.

Ad

Ad Romanos perfidia non potest habere accessum. Adeo ut regula sit: Quicquid ab Ecclesiâ Romanâ approbatur verum est, falsum contra, quidquid ab illa damnatur. Ita enim Sanctum Ambrosium video locutum, orat. de obitu Satyri, dū ait: Is cum Episcopis Catholicis conuenit, quicum Romanâ Ecclesiâ conuenit.

Q V A R T O omnis hæresis notam habet C O N F U S I O N I S, & A N A P X I A Σ, propter quam nulla vnquam habuit firmam & stabilem alicubi sedem, & continuam ministrorum successionem; sed sicut nuper esse cepit, ita post seculi vnus, vel pauciorum, adhuc annorum decursum desit, ac prorsus euauit: licet quandoque ex hæresibus olim sepultis quædam rediuiuæ, suscitante Diabolo, ab inferis in lucem resurgant. Hanc ἀνεξία & cōfusionem status vel regiminis apud Hæreticos, pluribus in medium allatis exemplis vellicat Tertull. lib. de præscript. vbi ait: *Quis Catechumenus, quis fidelis, incertum est: pariter adeunt, pariter audiunt, pariter orant, pariter cātant.*

tant, &c. Ordinationes eorum temeraria, leues, inconstantes, nunc Neophytos collocant, nunc saculo obstrictos. Et post tres interiectas lineas: hodie diaconus, cras lector, hodie presbyter, qui eras laicus: nam & laicis sacerdotalia munera iniungunt, &c.

QVINTA nota hæreseos est DISCORDS & dissentiens DOCTRINA, passim secum pugnans, rituumque, & cæremoniarum mira discrepantia, quia nullo ordine, nullo regimine, nullo magistratu coercetur: propter quam in mille postea sectas, & partes scinditur, ac distrahitur. Hanc satis clarè docet Tertull. lib. de præscr. Denique penitus inspecta hæreses omnes in multis cum authoribus suis dissentientes deprehenduntur. Et Irinæus, lib. i. cap. 21. & seqq. ubi demonstrat hæresin Simonis primi Hæresiarchæ mox diuisam, & indenatas sectas Menandrianorum, Basilidianorum, Saturninianorum. De Donatistis scribit S. Aug. lib. i. de Bapt. ca. 6. Hæresin Donatistarum in multa minutissima frustra

con-

concisam fuisse suo tempore. Idē ipse testatur de Manichæis, lib. de Hæres. c. 48. Ariani etiam singulis ferē annis fidem mutabant, vt scribit Hilarius in utroque libro ad Constantium. Ideoq; mox diuisi sunt in Acacianos, Macedonianos, Eunomianos, vt patet ex Rufino lib. 10. hist. cap. 25.

VLTIMA nota est Hæresis INTERITVS & MORS, sicuti hoc monstrū primā notā habet nouitatis & natiuitatis: in secundā parens illius indicatur, à quo vitā trahit, & nomen suū: in tertiā turpe, spurium, adulterinum publicè indicatur: in quartā ostenditur quā male omnibus suis mēbris sit intus cōfactum: in quintā quomodo ex vitiosa illā membrorū iunctione in multas concidat partes. Et quemadmodū ex insectis, vermibus, multisq; serpentib. constat, sepē etiam in illis partes euulsas, & dissectas, aliquantulū tamen adhuc reperire, mouere se, & viuere: ita hoc veprinū monstrum post distracta & diuulsa etiam membra ad tempus modicum superuiuit, sese effert, & extollit

SECTÆ CALVINISTICÆ. 31

tollit, & modò huc, modò isthuc saltù aliquem adhuc facit. Sed reuerà tandē exspirat animā, & emoritur. Hanc notam explicat S. Aug. Pl. 57. in illud; *Ad nihilum deuenient, tanquam aqua decurrēs: Non vos terreant, inquit, fratres, quidam fluuii, qui dicuntur torrentes; decurrat aqua, ad tempus perstrepit, mox cessabit, diu stare non possunt. Multe hæreses iam mortuæ sunt, cucurrerunt in riuis suis quantum potuerunt, decurrerunt, siccati sunt riui, vix eorum memoria reperitur, vel quia fuerunt.* Sanctus Cyprianus etiam lib. 4. epist. 2. dicit Schismaticos initio quidem feruere, sed statim cum prauâ suâ æmulatione deficere.

Hæc omnia institutâ exemplorū inductione, tanquam in speculo, clariùs videntur: in quibus singularum hæresium nouitas, author apostata, homo fastuosus, simulq; locus, & tēpus, anathematismus, & proscriptio ab Ecclesia Romana, cōfusio, & *em̃zia*, discordia in suâ ipsius doctrinâ, omnibus ad oculum apparent. Ac ARIANA quidem hæresis cæpit anno Domini 324.

in Ægypto, authore Ario, presbytero Alexandrino, homine impio, & superbo, damnata à Concilio Nicæno, sub Pontifice Syluestro, oppugnata ab Anathasio, Hilario, aliisque Sanctis Ecclesiæ Catholicæ patribus.

MACEDONIA, quæ ab Ariana defecit, cæpit anno Christi 364. authore Macedonio, Episcopo Constantinopolitano, & damnata à Concilio Constantinop. sub Pontifice Damaso, expugnata à Nectario, & Cyrillo Hierosolymitano, aliisque.

NESTORIANA cæpit anno Christi 431. in Thracia, authore Nestorio, Episcopo Constantinop. damnata à Concilio Ephesino, sub Pontifice Cælestino, oppugnata à Cyrillo, &c.

EUTYCHIANA cæpit anno Domini 449. in Asia, authore Eutyches, Abbate Constantinopolitano, damnata à Concilio Chalcedonensi, sub Papa Leone I. & oppugnata à Flauiano Episcopo, &c.

Similis sequentium omnium catalogus pertexi potest de Donatistis, à
Donat-

SECTÆ CALVINISTICÆ. 33

Donato in Africa; de Pelagianis, à Pelagio, Romanenti Monacho, qui suū virus infudit Angliam; de Manichæis, à mane Peria. &c. ad nostra usque tempora.

SIC HUSSITARVM, hæresis excitata in Bohemia, circa annum 1409. authore Iohanne Hussō, presbytero Pragensi, damnata à Concilio Constantienti, anno 1414.

Hussitarū.

LUTHERANORVM, & quicunque illos secuti sunt, hæresis capit in Saxonia, anno 1517. authore Martino Luthero, ordinis S. Augustini Monacho, damnata à Concilio Tridentino, sub tribus gloriosis Pontificibus, ordine sibi succedentibus, Paulo III. Iulio III. & Paulo IV. oppugnata ab omnibus Catholicis Academicis, doctoribusque innumeris, maximè à duobus Reuerendissimis & Illustrissimis S. R. E. Cardinalibus, Hosio, & BELLARMINO, qui adhuc, diuino munere, in viuis est; utroque splendidissimo orate nostri Ecclesiæ Catholica LVMINE, & COLUMINE.

C

Præ-

*Hæresis ali-
quor affe-
ctiones.*

Præter has insigniores, supra commemoratas, notas, aliæ aliquot vel Hæresis, vel Hæreticorū affectiones à SS. Patribus enarrari solent. Primò quod omnis hæresis sit cum aliqua manifestâ in Deum impietate coniuncta.

Secundò quod in iis plerumq; locis nasci, & educari solet, feliciusque crescere, & germinare, in quibus potestate & disciplinâ remissiore, viuitur liberiùs, & licentiùs.

Tertiò quod omnis hæresis abiiciat, damnetq; sanctum salutaris pœnitentiæ & confessionis sacramentum. Hoc observavit Lactantius lib. 4. c. 30. ubi contra Nouationos sic loquitur: *sed quia singuli quique cætus Hæreticorum se potissimum Christianos, & suam esse Catholicam Ecclesiam putant, sciendum est illam esse veram, in qua est confessio, & pœnitentia.*

Quartò quod omnes omnium temerum Hæretici ad solas confugiant scripturas, nullumq; causæ cōtrouersæ, præter illos, iudicem agnoscāt, vel admittant. Hanc etiam annotauit

Ter-

Tertullianus lib. de præscript. aduersus Hæret. *Vt iam, inquit, de eo congregiamur, de quo Aduersarii prouocant: scripturas obtendunt, & hic suâ audaciâ statim quosdam mouent: in ipso verò congressu firmos quidem fatigant, infirmos capiunt, medios cum scrupulo demittunt.*

Quintò quod omnes ferè hæretici Ecclesiam vel in antiquæ doctrinæ puritate defecisse, vel prorsus apud Catholicos periisse prætexunt, & apud se solos illam vel mansisse, vel transiisse clamitant. Sic Donatistæ, vt refert Sanctus Augustinus lib. de unitat. Ecclesiæ, cap. 12. se Catholicos nominare, & dicere solebant, Ecclesiam visibilem de orbe terrarum periisse, & apud se in solâ Africâ remansisse. Idem Catholicos crudelissimè tractabant, oderant vehementer Monachos, & Episcopos, quos Pharisæos appellabant, & imprimis Pontificem Romanum, cuius sedem vocabant Cathedram pestilentiæ, sacros calices vendebant, lacrum chrismâ proiicie-

bant, & S. Eucharistiam, tanquam
buccellam panis, canibus dabant, vt
patet ex eodem Aug. lib. 2. contr. Pe-
til. cap. 51. & 61. & lib. 3. cap. 40. Et
epist. 163. Et ex Optato l. 2. & 6. contr.
Parmen. Idem Augustinus in Dona-
tistas ita inuehitur in Psal. 101. Conc.
2. *O impudentem vocem, Ecclesia non est,
quia tu in illa non es. Viden tu idè non
sis; nam illa erit, etiam si tu non sis.* Et in-
fra Ecclesiam inducit ita loquentem:
*Quamdiu ero in isto seculo? annuncia mi-
hi propter illos qui dicunt: Fuit, & iam nō
est; Apostatauit, & periit Ecclesia de o-
mnibus gentibus; Et annuncianit: Ecce
ego vobiscum sum ad consummationem se-
culi.*

*De Hæresi
observati-
uncula.*

Coronidis loco vnicam superiori-
bus adiiciam non tam Hæreseos notā
quā de illā observatiunculam, ex di-
ligenti omnium sectarum inspectio-
ne, ipsāque rei experienciā mihi per-
spectam. Est quæ hæc: quod omnis in
principio secta astutè simulat Dei mis-
sionem, & zelum, magnam pietatem,
vitæ, morumque sanctimoniam, nihil-
que

SECTÆ CALVINISTICÆ. 37

que nisi Reformationem crepat. In progressu suam ostentat ferociam, potentiam, & vires; libidinemq; pugnandi, & concertandi. In fine, & exitu plerumque excusat ignorantiam, errorem in quo vixit, palliat, culpam à se remouet inque alios, vel suos maiores, parentes, & præceptores: vel locum, & tempus miserix suæ causam transfert, & reiecit.

CAP. III.

*De nostri cuius sectis intra sæculum natis,
qua, & quot?*

AVreis literis consignandum est Apostoli Pauli vaticinium, quod exstat 2. Tim. 3. in nouissimis diebus instabunt tempora periculosa, & erunt homines se ipsos amantes, cupidi, elati, superbi, blasphemæ, parentibus non obedientes, ingrati, scelesti sine affectione, sine pace, criminales, incontinentes, immites sine benignitate, proditores, proterui, tumidi, cæci, voluptatum magis amatores quam Dei,

38 . . . VIVA EFFIGIES

habentes speciem quidem pietatis, virtutem autem eius abnegantes: & hos denota.

Nondum est sæculum, hoc est, centum annorum spacium, deuolutum, ex quo innumeras Religionis Christianæ sectas passim ad oculum, conspiciamus, non dico in Europâ, sed in vnâ nostrâ Germaniâ, præter Ecclesiam Romanam, suscitatas, & publico quodam cultu, hominumque frequentatione stabilitas, vt interea emortuos priscorum temporum hæreticos, qui eodem hoc seculo in lucem, & vitam ab inferis nunc reuocantur, silentio præteream. Cum enim altissima esset Ecclesiæ per totum Christianorum orbem, vnico in Bohemia angulo Pragenfi excepto, pax, & summa rerum omnium tranquillitas, ac otium, ita vt securè homines in vtramuis aurem dormirent, ecce homo inimicus, semper vigilans, zizania in agro dominico, hoc est Ecclesia, superseminat, mysteriumque iniquitatis, de quo est in Apoc. cap.

SECTAE CALVINISTICAE. 39

cap. 9. operaturus, *stelle*, id est, doctori, *de caelo*, id est, Ecclesia cadenti clauem tradit putei abyssi. Et ipse aperuit puteum abyssi, & ascendit fumus fornacis magnæ, & obscuratus est sol, & aer de fumo putei, & de fumo putei exierunt locustæ in terram, & data est illis potestas, sicut habent potestatem scorpiones terræ. In quem locum, precor lectorem propter Deum, vt videat propheticam explicationem diuini scriptoris Bellarmini, orationis loco in scholis habitam, quæ in aureis ipsius scriptis instar pyropi, vel pretiosissimæ gemmæ superlucet.

Quare præsentis sæculi sectas descripturus, de verbo ad verbum, Evangelicorum Historiographum Ioh. Sleidanum, qui apud Lutheranos, & Calvinistas authenticus, & omni fide dignus author habetur, sequar, & obseruabo. Anno Dominicæ incarnationis 1517. primus omnium in arenam prodit MARTINVS LUTHERVS, ignotis quasi parentibus

49 VIVA EFFIGIES

Iſlebiuſ natus, anno 1483. in comitatu
 Mansfeldenſi, vbi etiam eſt mortuus
 anno 1546. V Vitenbergæ verò ſepul-
 tus; Monachus Erfordiæ Ordinis S.
 Auguſtini, & Theologiæ Doct̃or. Is
 captâ occasione ex Indulgentiis ali-
 cubi, per Iohannem Tecelium Domi-
 nicanum, nummorum pretio diuen-
 ditis, vt narrat Nouatorum hiſtoricus
 Sicid. contentionem mouet, & diſpu-
 rationes conſcribit non tam contra
 hunc abuſum, & iſtius Simonix au-
 thorem, (ſi credere fas eſt) ſed con-
 tra ſalutarem indulgentiarum doctri-
 nam, contra omnes Catholicos, vni-
 uerſamque Eccleſiam. Initio tamen
 ter, quaterue, & ſæpius, nondum in
 errore obfirmatus, neque animi per-
 tinax, ſeſe & omnia ſua dogmata, fi-
 deiq; ſummam. Eccleſiæ Catholicæ
 iudicio, & cenſuræ ſubmittit, interim
 quærit latebras, elabendi effugia, &
 vitæ ſaluandæ angulum, in quo poſtea
 magis magisque, de die in diem factus
 eſt peior, omnemque ſuam excogita-
 uit hæreſim, formauit, peperit, edu-
 cauic

SECTÆ CALVINISTICÆ. 41

cavit. Adiunxit sibi paulò post individuum comitem, & rerum gerendarum socium PHILIPPVM MELANCHTHONEM, Brettapalatinum, artium Magistrum, hominem, neque ineruditum, neq; alias immodestum, sed minus in fide, vt ego existimo, pro ratione temporis, confirmatum, qui tamen à Luthero ipso in multis dissidens, sibi que inconstans, modò pro Luthero, modò pro Zuinglio, & Calvinianis fecit: propter quod etiam non ita pridem ab Academia VVittenbergenſi in Hæreticorū catalogum relatus est; nunc tamen, vt audio pristino honori restitutus. Luthero viam strauisse videtur *cecidit* ERASMVVS ROTERODAMVS, qui græci in latinum Noui testamenti nasutâ versione, & monstrosis aliquot in scripturâ excogitatis glossis fundamenta, sequentium dissidiarum, atque turbarum, iecit.

Luthero eodem tempore sese etiã adiungit ANDREAS CARLSTADIVS, verùm qui paulò post à Lu-

C s thero

thero deficiens, ac cum ipso bellum
iniit, propter quod Lutheranicâ tradi-
tione constanter narratur viuus à dia-
bolo sublatuſ. Baſilienſes Miniſtri in
epiſtolâ quam de morte Carolſtadii e-
diderunt, paulum variant, & ſcribunt
à dæmone interfectum.

Paulò poſt an. 1525. Nou⁹ Propheta
ſurgit in Heluetia VLRICVS ZVIN-
GLIVS paſtor Tigurinus, antea Luthe-
ranus, qui Carolſtadii exemplo, auda-
citer etiam cum Luthero in campum
deſcendit, ſuamque opinionem mor-
dicus defendit; & cum argumenta i-
pſi deficerent, ad reuelationem diui-
nitus ſibi patefactam prouocauit. Hic
collegam habuit & ſocium IOHAN-
NEM OECOLAMPADIUM, di-
ctum Iconoclaſtem, Monachum Bri-
gittanum, profugum.

Eodem etiam anno alius adhuc
Phantaſta prorumpit THOMAS
MVNTZERVS, ſimiliter antea Lu-
theranns, qui nouo quodam propo-
ſito doctrinæ genere, bonorum omni-
um communionem docens, maxi-

SECTÆ CALVINISTICÆ. 43

nam hominum ex agris multitudinem ad se perduxit, adiungendo sibi PHIFFERO consiliorum omnium socio.

Nec longè post, circa annũ Domini 1527. ex horum omnium crecto stercore, & excrementis, quibus passim aerem in Germania infecerant, nascitur aliud Hæreticorum examen, qui ANABAPTISTÆ vulgò dicuntur; homines idiotæ, & prorsus fatui, factores & sutores ex Hollandia profugi: iiq; anno Domini 1535. & seqq. inauditam & stupendam in Episcopali vrbe, & totius VVestphaliæ metropoli, MONASTERII, tragœdiam egerunt.

Circa hæc tēpora similiter fanaticus homo, & Enthusiasta SVVENCFELDIVS proserpit in Silesia, vbi suos adhuc dicitur alere catulos: qui ita purificatam à prioribus religionem reformat, vt nullam relinquat, auferens non solum S. Scripturas, vniuersum Bibliorum codicem, sed etiam Sacramenta, & templa; soloque spiritu,

Dei-

Deiq; inspirationibus viuendum, cõ-
rendens. Hunc maximè sequuntur
LIBERTINI. Circa annum Domini
1536. Exoritur noua prædicandi Euā-
gelii tuba, IOHANNES CALVINVS,
qui à prioribus omnibus dissidens, pu-
riorem venditat doctrinam, Ecclesiæ-
que Dei reformationem. Sed de illo
in progressu liberaliùs aliquid loque-
mur. Post hunc protruditur M E N-
N O N, nouus sectæ Anabaptisticæ, &
iam dissipatæ Recollector & Author,
qui non modò priorum Anabaptista-
rum furores, & deliria in ordinem, me-
thodumque doctrinæ redegit, sed etiā
maximam inferioris Belgii partem,
Frisiam, & Hollandiam pestilenti suā
hæresi compleuit. Anno Domini 1538.
scribit Sleidanus ortam sectam A N-
T I N O M O R V M, qui pœnitentiam
ex Decalogò non esse docendam di-
cunt, & Lutheranos oppugnant, qui
docent non esse prædicandum Euan-
gelium, nisi primum quassatis animis
atque fractis per explicatiouem legis:
in iustificationis verò articulo cum
Luthe.

SECTÆ CALVINISTICÆ. 45

Lutheranis conveniunt, statuentes quæcunque tandem sit hominis vita, & quantumvis impura, iustificari tamen eum, si modo promissionibus Evangelii credat. Anno Christi 1550. Novos fidei articulos adfert, & magis elimatū de iustificatione dogma spargit in Borussia ANDREAS OSIANDER, Lutheri, ut aiebat, autoritate, & oraculo, (credo in apparitione facto) ad hoc instructus, ad cuius prædicationem omnes priores Lutherani, iam nuper introducti, iterum propelluntur, & in exilium mittuntur, ut qui minùs rectè propheticum Lutheri spiritum, & mentem intellexissent.

Taceo SERVETVM, taceo STANCARVM, SOSINVVM, aliosque Trinitariorum instauratores, & Patronos, eodem hoc seculo natos, ac nunc atrociter satis longè, lateque in Transylvuiana, in Polonia, & finibus Moraviæ gralsâtes. Videto pie Lector, quot aspides, quot Basiliscos, & scorpiones, quot coruos exclusit vnicum hoc seculum ex ovīs, quæ posuit, & cacauit
Luthe-

46. VIVA EFFIGIES

Lutherus, quo omnes, & singuli gaudent, & gloriantur vel patre, vt Lutherani; vel auo, vt Caluinistæ; vel abauo, vt omnes Anabaptistæ, Menonistæ, cæteraque vniuersa id genus spuriorum colluies. Hoc Lutherus parens, qui optimè suos nouit natos, & nepotes, ipse fatetur; ideoque Carolstadium suum Absolonem, reliquosque, vt Sacramentarios, & Catabaptistas, filios degeneres appellat. Et vicissim filii nullo pudore erubescunt Lutherum suum nominare patrem, vt Lutherani; & auum, ipsi Caluinistæ. Etenim in lib. de reformatæ Ecclesiæ ratione Caluinus gratis hoc agnoscit, ac disertè ait Lutherum cum suis nobis præluxisse, vt ex his erroribus papalibus eruermur. Ideoque in lib. aduersus VVestphalum, dignis auo suo elogiis ipsum collaudans: *Magnum Prophetam* appellat, & *seruum Dei*. Hoc testimonium etiam posteritati proderet, & ad perpetuam memoriam exstare voluit in suis institutionibus, l. 4. c. 3. §.

Tom. 6.
VVittenb. f.
405.

4. ubi ait : *Deus etiam nostro hoc tempore excitauit Apostolos, & Euangelistas.* Beza etiam, sicuti in ostentandis familiis, & maioribus suis, illustres viri agere solent, Lutheri non modò memoriam, sed etiam effigiem in suis Iconibus, & picturis sculpi curauit, & suo ordine ante suum patrem Caluinum collocari. Et in responsionibus Sainctesi; vocat Lutherum *eximium Dei organum, toto ore diuinitus inspiratum, seruum Dei, & quidem egregium, ac valdè excellentem, admirandum in diebus nostris, in quo qui spiritum Dei non sentit, nihil sentit.* Ita quidem optimè, vt ex propria suâ confessione constet; Bezam nihil sentire, quia in Luthero Dei spiritum non modò non sentit, sed illum etiam oppugnat, & falsiloquum damnat, & execratur.

Horum autem Nouatorū omniū, & ab Ecclesiâ Catholicâ Apostatarum, quos lōgo ordine enarraui, pars maxima è viuīs discessit sterilis, & sine educatâ, vel suscitâtâ prole : tres solum

inter

inter ipsos primipilares patresfamilias liberos, & familiam nobis reliquerunt, eamq; longè, latèq; propagarunt & in remotissimas prouincias, principatus, & regna infuderunt. Primus est & omnium parens, LUTHERVS, à quo Lutherani: secundus est CALVINVS, Lutheri Absolon, & degener filius, à quo Calvinistæ: tertius MENNON, Lutheri nepos, sed prorsus spurcius, à quo Mennonistæ, omnesq; Anabaptistæ sunt profeminati. Quod ZVINGLIANOS in Heluetia attinet, illi cum Calvinistis fœdus pepigerunt, & in vnâ gentem certis pactis transfuerunt. Pono Lutheranorum hodie duæ sunt principales cohortes, doctrinâ, & caeremoniarum symbolis multum distinctæ: Calvinistarum tres, vel quatuor, cane peius & angue inter se colluctantes: Mennonistarum plurimæ, circa viginti, vel triginta. Adeo horum trium Patriarcharum familiæ fœcundæ sunt, vt semper posteriores vincant priores. Et quis id fieri miratur? in aureo hoc sæculo, in EV-

SECTÆ CALVINISTICÆ. 49

ANGELICA illa CONSCIËNTIÆ LIBERTATE. Interea versus aliqui fortè fortuna occurrunt, quos olim lyrâ cecinit Flaccus:

Ætas parentum, peior auis tulit

. Nos nequiores, mox daturos

Progeniem vitiosorem.

De his omnibus, & singulis pulchrâ quædam Genealogia conscribi posset: sed compendii gratiâ nos primâ, & ultimâ suo loco relictis, mediâ stirpem, quæ CALVINISTARVM est, paulum perlustrabimus; eiusque originem, accretionem, collaterales ramos, & truncum totum præsentî Calvinographiâ ad viuum resecabimus:

C A P. IV.

De Secta Calvinistica;

In quo Hæresis esse conuincitur, simulque eius ortus, & progressus indicantur.

SÎ vnquam fuit hæresis, *Caluiniana* est; vel si *Caluiniana* non est, nulla fuit hæresis, nunquam, & nusquam; vtpote quæ sentina est omnium hæ-

D^o resum

resum, omnium veterum errorum, & damnatarum opinionum colluies, & barathrum, omnium sordium, & pestilentis factoris cloaca.

Quæ potest esse hæresis nota? quod signum, vel argumentū, quod Caluini-
ana non propriè conueniat? vis illius
authorem? dabimus, eiusq; natiuitatē,
ortum, & progressum graphicè adscri-
bemus. Diabolo QUINTAE TVBAE
CALAMITATEM in mundum inue-
cturo, non erat satis, illā in Germania,
primario Christiani orbis regno, ac S.
R. Imp. sede, per Lutherum excitasse,
passimq; propagasse, sed etiam paulò
post in Gallia, florentissimo Europæ
regno, circum circa quæsiuit, & inue-
nit idoneum sibi ministrum, Luthero
socium, per quem ad plures populos,
prouincias, & regna tantò expediti-
us quasi duabus alis transuolaret. Is est
IOHANNES CALVINVS, quondam
Canonicus Nouioduni, in Picardia, v-
bi etiā obscuris natus est parentib. an-
no Domini 1509. puer felicitis ingenii,
ætate primâ literis, & humaniore di-
scipli-

SECTÆ CALVINISTICÆ. §1

disciplinâ imbuitur: adolescens verò ad iuris ciuilis studium Aureliæ animum applicat: sumptus iam togâ virili, & stabile quoddam vitæ genus secum deliberans, Ecclesiasticâ ambit conditionem, quod pauper esset, & de secularibus laici muneris honoribus desperaret; fit propter mediocrem in liberalioribus studiis eruditionem in patriâ suâ Canonicus. Quid fit? intellecto Lutheri in Germaniâ noui Apostoli Euangelio, in quo non modò rigida illâ vitæ, & consuetudinum apud Catholicos disciplina laxata, vel potius sublatâ, grata libertas pro libero arbitrio credendi, & statuendi indulgetur, (hanc Euangelici prædicantes vocant LIBERTATEM CONSCIEN-TIÆ) sed etiam amœnissimus omnium voluptatum carnis, & sensuum, Paradisus viris Ecclesiasticis aperitur: Calvinus ad lætum illud Euangelium deserit Canonicatum suum, stationem, domum, patriam (Bolsecus in vita eius dicit: *Sed iam ante ab Episcopo suo ob peculatum, & Sodomia*

conuictum excommunicatus, & proscriptus,) & paulò post ducit uxorem, (lo-
 achimus VVestphalus, aliàs Euange-
 licus, dicit *mèrettricem*) quærit latebras,
 in quibus nouum hoc *Euangelium se-*
cundum Lutherum melius perlegat,
 perlectum atque intellectum, glossis
 suis illustret, augeat, atque etiam e-
 menderet, ac tandem publicè, & palàm
 prædicet. Primò omnium, vt Beza in
 eius vita annotat, Italiam in vestibulo
 vel limine, quasi ad ostiũ, per trans-
 enniam intropicit, an intus locus sibi
 esse possit commodus Euangelizandi,
 sed parùm sibi, & loco fidens, regredi-
 tur: seseque subtrahit in partes Hel-
 uetiæ, vbi maior licentia est, vitæque
 securitas, ac circa Lausannam, Basile-
 am, Geneuam, vbi initio non, adeò
 gratus fuit, oberrat; ac demũ proru-
 pit Argentoratum vsque in Germa-
 nia, in qua Lutheranorum exemplo,
 fecilicioribus videbat nouæ doctrinæ pro-
 seminandæ progressus. Imò ratio illi
 suggerebat, se tutiore loco non posse
 officinam suam locare, quam vbi vel
 esset

esset summa populorum libertas, vel Regiminis Aristocratia, aut Democratia. Den Bavren ist gut Predigen. Argentinæ tamen, quod inualescere, atque obtinere Lutheranismum cerne-
ret, & quod Germanica lingua armis se isthic tutari haud satis commodè posset, non ita diu latuit, ac iam fœlicioribus auspiciis Geneuam rediit; vbi quod iam in lucem pepererat monstrum, aluit, & educavit, testamento illi in tutorem post sua fata relicto THEODORO BEZÀ, quondam Priore à Loniumeau, inter Parisios & Aureliam, vico, eiusdem farinae homine, qui vt se depingendi penicillum, & occasionem aliis præriperet, propriis ipse se, suamque libidinem, coloribus parumper delineauit.

Quod vitam Caluini attinet, eam alii satis luculentè descriptum, posteritati reliquerunt, neque nostrum est curiosius in ipsius vitia, moresque inquirere, modò constet, quâ vesani spiritus superbiâ, quo fastu, & arrogantiâ, cum omnibus certet Hæresiar-

chis, seseque solum in mūdo sapientē,
& eruditū admiretur. Etenim non so-
lū vniuersæ bellum indicit Ecclesiæ, o-
mnibus Catholicis, Clericis, & laicis;
Subditis, & Principibus obstrepit, & i-
ram minatur, sed etiam sanctis in cœ-
lo cum Christo feliciter regnantibus
impingit mira impietatis, crudelita-
ris, ignōratiæ, errorū, &c. crimina. Nisi
enim etiam superos calumniis suis la-
cessisset, parum sibi videbatur terre-
stris mortalium generi oppeditisse, atq;
illutisse: Monachos otiosos ventres, &
lenones traduxisse: scholasticos do-
ctores Nebulones, Sophistas, Asinos,
proclamasse: Episcopos Ecclesiæ lu-
pos, & tyrannos suggilasse; de quibus
quisq; vel à limine eius institutiones
salutârit, nullus potest esse ambigendi
locus. Habes Authorem, ab Ecclesiâ,
& Catholico ordine apostatam, homi-
nem supra modum elatum, & petu-
lantem. Inquiris illius doctrinam, ve-
tusne sit an noua, & commentitia? ca-
pite sequenti dispicias, & ex propriâ
sui authoris cōfessione, & testimonio,
quod

SECTÆ CALVINISTICÆ. 55

quod est omni exceptione mai⁹, diiudices. Damna verò est, & eodem anathematis fulmine, quo Lutherana hæresis, à Concilio Tridétino perculsa; ac etiamnum ab illustribus aliquot Doctoribus, Patribusq; in Catholicorum Academiis quotidie expugnatur: inter quos meritò nominē magnū illum Athletam, & Caluino-Mastyga, Martinū Becanum, Societatis IESV Moguntiae sacerdotem. De Calvinismi verò ordine dissoluto, ἀντιζία, ἀνιπαρχία, schismatis, dissensionib. deq; imminente pluribus in locis ruinâ, ac futuro interitu, sequentia tractatuli huius capita loquuntur. Hic verò silentio prætereundum non est, quo astu, & fraude CALVINISMVS in Germaniam nostram clanculum irrepserit, cū aliqui grauissimo Imperatorū edicto, ac concordi Principum Catholicorū, & Protestantū cōsensu, nouerim⁹, anathemate illi denunciato, fores præclusas, nullūq; in imperio vestigium permissum. Verbo dicam, MANTELLO AVGVSTANÆ CONFESSIONIS, quā

nunc Calvinistæ suam esse prætexunt, eiusque hæredes, expulsis à legitimâ eius successione, & possessione, Lutheranis, quadam violentiâ sese constituunt. Etenim etsi satis vniuerso constet orbi, quorum illa sit, & quibus Authoribus fabricata, nec etiam hoc Caluini, Bezæ, Peuceri, Zanchii, Tossani, Pezelii, &c. verbis, censurâ, ac refutatione illius, obscurum sit, tamē paucis ab hinc annis eò impudentiæ progressi sunt, vt Leporinâ quasi memoriâ, callidâ tamen arte suam effinxerint, & declararint dictam Confessionem: ac nominatim Calvinista Sohnius, Heidelbergensis quondam Professor, illam commentariis & explanationibus illustrare, inque eius approbationem parentem Calvinum, cum omnibus eius nominatis satellitibus, pertrahere ausus fuerit.

in epist. dedicator. vel præfat. opusculi sui Theol.

Lepidè narrat Philippus Nicolai, Theologiæ Lutheranæ Doctor, & Hamburgensium prædicans, alium astum, & stratagema Calvinistarum, quo suam hærelin adeò prospero successu

cessu in Germania propagent: nempe illos dedicatoriis psalteriorum, precationum, aliorumque suauissimorum titulorum libellis suis, aulica Gynicea perrumpere, & penetrare, perq; Dominas coniuges Maritorum principum animos sibi demulcere, inq; suas partes sensim allicere, & capere. Sunt qui dicunt in Magnatum aulis alium alii Calvinismum vini haustibus propinare, & poculis potius quam argumentis persuadere. Sat scio, quibus cuniculis illum in Marchiam Brandeburgensem, & Onesbachensem immittere voluerunt.

Neq; ab hoc loco alienum est, versipellem dolum Bezae commemorare, quo conabatur Lutheranos in suam massam pertrahere, eosque mirâ quadam astutiâ cum Calvinistis in vnam massam redigere. Scripsit enim anno 1556. Confessionem, in qua asseruit Christi corpus verum & realiter esse præsens in cana, & communicantibus. verè & realiter exhiberi: inque eam confessionem consentire Ecclesias

Heluetiorū, & Geneuenſiū. Verū cū inde Lutherani de Caluinistis Sacramētariis triūpharent, & Tigurini grauit̃er in Bezā inuehi cōpiſſent, reſpōdit ille ſe vera ſcripſiſſe, ſed à Lutheranis non benè intellecta; nēq; n. ſe locutū de cœna domini, quæ celebratur in terris, ſed de illa quæ celebratur in cœlis, vbi Chriſtus verè & realiter præſens eſt.

Jacobus Andreæ Lutheranus, qui ſe *papā Germaniæ* nominabat, vt ait Beza, in colloquio Montis pelgardenſi, grauit̃er de iſtā Bezæ nequitiā conqueritur, quomodo ipſi voluerit porrigere poſt habitū colloquium *fraternitatis* & conſenſionis *dextram*, interimq; illius verba à Beza ſæpe inuerſa eſſe, trāſpoſita, expuncta, aucta; q; dictū improbabile non eſt, cum apertum in S. Bibliis Euangelicum textum & verba Chriſti ſæpius peruerterit.

Zuinglius ſimilē de ſe ipſe prædicat aſtutiā, cum iā à Lutheri ſententiā, quā cum aliis hætenus docuerat, diſſenteret, ideoq; vt ſuā inconstantiam excuſet.

SECTÆ CALVINISTICÆ. 59

set, dicit, se multò ante agnouisse, id q̃
 verū erat, sed tempori seruiuisse, & in
 hoc laudari se à Christo, tanquā seruū
 prudentem, & fidelē, qui dat * cibū fa-
 milie in tempore suo. Sed calua est ex-
 cusatio: Non. n. laudet Christus eos, q̃
 vt tempori seruiant, mentionat in re-
 ligionis, fidei q̃; negotiis. Sim. ea no-
 bis narratur exēplum ca. 6. de ditidius
 Palatinorum prædicantium cū docto-
 rib. Acad. Heidelb. Porro vt ad Calui-
 num reuertamur, & tandem missum
 faciamus, multa suis posteris reliquit
 præter institutionum libros, opera; in
 Vet. & N. Test. scripturæ ferè totius
 proluxa cōmentaria, itemq̃; opuscula
 aliquot parua, & in iis libellū de cō-
 burendis Hæreticis, cuius meminit
 Sleidanus l. 25. Comment. ad annum
 1553. Etsi nunc in Catalogo librorum
 Caluini vix reperiatur. Editus ille fuit
 in causa iusti supplicii de Michaelē
 Serueto sumpti, quem Calvinus apud
 Magistratū Geneuensem reum egit, &
 supplicio afficiendum pronunciauit.
 vt ex suis epistolis colligitur.

*
 sed non ve-
 nemus.

epist. ad
 Farell. &
 epist. ad
 Sulcerum.

Tandem etiam Calvinus Genevæ

anno 1564. moritur, & vt narrat Hieron. Bolsecus in eius vita, *vermibus cōsumptus*, sicut Antiochus, Herodes, alique, exspirat : qua de re tamen ego nihil certi vnquam cognoui, & aliorum miseriam libenter compassionis silentio inuoluo.

C A P. V.

In quo Calviniana doctrina, non confutatio, sed brevis & historica relatio continetur.

CAluiniana hæresis authore patefacto, consequens est, vt doctrina eius paucis à nobis plebi indicetur. Primò verò omnia illa principia, ex quibus Calvinistarum fidei articuli non fluunt, remouenda sunt; deinde ipsorum dogmata, quæ ex solius scripturæ libris, vt aiunt, & quidem post habitum priùs delectum reliquis, extruuntur, consignanda veniunt; ac ultimò Caluini placita, & traditiones aliquor, quas tamen vulgus doctorculorum, & prædicantium inter ipsos, eadem

SECTÆ CALVINISTICÆ. 61

eādē fide, & pari pietatis affectu, & reuententiā suscipit, credit, prædicat, adiiciemus.

Principiò quod videtur esse totius rei ferè fundamētum, vniuersam tollunt Calvinistæ è mundo religionem, quia omnem ex Ecclesia eliminant sacrificandi cultum, cum nulla sit, nec vnquam fuerit sine sacrificio religio, teste S. August. lib. 20. contr. Faust. cap. 21. vbi docet sacrificare esse proprium & elicitum religionis actum; & sacrificium cum religione nasci, & cū illa extingui. Confirmant hoc non solum Abelis & Caini, qui nullam habebant scriptam legem, vel expressum à Deo mandatum sacrificandi, exempla, sed etiam omnes gentes, & pagani, omnes infideles Ethnici, quos semper suis immolasse Diis, vt Athenienses *Ignoto Deo* sacrificasse constat. Act. 17. Vnde Hieron. contr. Lucifer. *Ecclesia*, inquit, *non est quæ non habet sacerdotes.*

Detruncant S. Scripturæ canonem, ex illo sequentes libros: *Tobie, Iudith,*

Sapi-

I.

*Hieron. in
proæmio
comm. in
epist. ad
Titum: O-
mnium ha-
reticorum
iste mos est,
quicquid
contrariū
suo dogma-
ti videtur,
vel erade-
re, vel es-
iam inte-
gra repu-
diare.*

II.

*Sapientia, Ecclesiasticum, Baruch, Mat-
thaeorum, fragmenta quaedam Danielis,
& Esther, itemque epistolam Ieremie ex-
pungunt, interque Apocryphos pro
suo libitu referunt: quāvis Lutherus
multò plures susceperit, ut epistolas: ad
Hebr. Iacobi, Iudae, secundam Petri, Apoca-
lypsin Iohannis: quas in prologo exstra-
nue, patet, tēno, itipulis dicit esse cō-
textas. Vbi obiter notandum tanti er-
roris Patris sui hodie pudere Lutherana-
nos, ideoq; in margine epistolæ Iacobi
ad c. 2. (in bibliis nuperrimè Tübingæ
in quarto editis) illū exculare his ver-
bis: *Hæc epistola nostro & veterū tempore
suspecta fuit, quia Apostolus admodum pe-
riculosè loquitur de hominis iustificatione.*
Est hoc Spiritum S. censura, & Magi-
sterii nostri virgulæ subicere? an verò
etiam manifestè rep̄hendere, quod
non satis prudenter & cautè loquatur?*

111.
*Cal. lib. 4.
inst. c. 18. §.
19. & 20.
Et toto c.*

Quinq; exterminant ab Ecclesia sa-
cramenta: *Pœnitentiam, Confirmationē,
Ordinationem, Matrimonium, & Extre-
mam unctionē.* De his ita scabiosè Lu-
therani & Calvinistæ loquūtur, ut pu-
deat

deat referre. Calvinus dicit coniuga-
lem Matrimonii contractum non ma-
gis esse sanctum, & sacramentum, *quā*
agriculturam, architecturā, sutrinam, ton-
strinam. &c. l. instit. c. 19. §. 34.

Auferunt ex symbolo Apostolico ar-
ticulum: *Descendit ad inferos.* Hanc, inq-
Calvinus, *particulam, quæ legitur in sym-*
bolo, apparet non adeò fuisse olim in Ecclesi-
is usitatam: unde cōiicere licet post aliquā-
tum temporis insertam, non protinus, sed
sensim Ecclesiis insueuisse. Sed ne tanti sa-
crilegii rei arguantur, dicūt se non tol-
lere, sed dextrè explicare: quomodo i-
gitur? nempe significare Christum in-
ferni horrorem, extremos cruciatus,
& ignominiam passum. Cæci hanc fal-
laciā vident. Deinde & illum: *Com-*
munionem Sanctorum, mutilant, dicen-
tes: nullam esse Ecclesiæ triumphan-
tis cum militante, & eorum qui in cœ-
lis, cum iis qui in terris sunt, *sanctorum*
communione.

Omnia vetustatis monumenta, &
libros, omnes Ecclesiasticos annales,

&

& historias, omnes S S. Patres suspectos habent, & tanquam testes, vel fidei, sanæq; doctrinæ magistros, à disputationibus remouent.

Steid. lib. 2:

Omnia Ecclesiæ concilia, & decreta (taceo Pontificum bullas, & ius canonicum, *quod Lutherus conuocat à omni multitudine scholasticâ, & magni doctorum hominum comitante turbâ, VVitenbergæ, d. 10. Decemb: anno 1520. incendit*) ita repudiant, vt planè collationes familiares non admittant.

Sanctorum vitas, & legendas prorsus pronugis, & fabulis habent, plausibilique paranoimasia liegenden, id est, mendacia, appellant.

Nunc paucis Calvinistarum palmares fidei articulos, & dogmata, in quib. à Catholicis dissentiunt, indigitabo. *Sit à Ioue principium.* De D E O trino & vno ita verecundè, & sanctè loquitur CALVINVS, vt optet nomina PATRIS, & FILII, & SPIRITVS SANCTI esse sepulta lib. 1. instit. cap. 13. §. 5. Omniaque ista scripturæ loca, quibus S S. Patres filium Patri ὁμοῦστον cō-

SECTÆ CALVINISTICÆ. 65

tra Arium olim demonstraerunt, vt exempli gratiâ, locum Ioh. 10. *Ego, & pater vnum sumus*, explicet, & explicandum præcipiat de vnitæ voluntatis, non etiæ essentiæ. in comm. in hunc locum Ioh.

De CHRISTO Beza, Caluini catulus, ita subtiliter philosophatur, vt Nestorius melius mentem suam declarare non poterit: duplicem in illo vnionem hypostaticam constituens, alteram animæ cum corpore, alteram naturæ humanæ cum diuinâ. in lib. de vnione hypost. VWhitakerus Cardinalis Calvinista ait Bezam admonitum, & reprehensum, ab hac sententia resipuisse, & errorem, qui fuit Nestorianâ hæresis, abieciisse.

*Controuer.
2. de Eccl.
q. 5. c. 7.*

PISCATOR nouus inter Calvinistas hæresiarcha negat substantiam verbi, naturæ Christi humanæ per vnionem communicatam. *in suis thes.*

Sic nouus iterum inter illos schismaticus, ARMINIVS, dicitur à suis met discipulis, & familiaribus applaudere Samosatenis.

E

Hæc

Hæc est triga illa, & *trinum Numen*, sub quo tota Secta Calvinistica militat, & in quo viuit, est, & mouetur. Et quanquam omnes Calvinistæ in scholis, & templis clarè docent, & profitentur Deū in essentia vnum, in personis trinum: Et similiter Christum DEI & MARIAE filium ex duabus naturis non confusis, sed distinctis, alterā diuinā, alterā humanā in tempore assumptā, vnā esse *ὁμοῦς* siue personam: videmus tamen ita vsu venire excacatis, & in reprobū sensum traditis, vt ipsis non animaduertentibus, horrendas efferant blasphemias, quas etiam, vt Diabolici sui furoris publicè conuincantur, in libris, & scriptis pingunt.

Similis est illa, qua Calvinus manifestè *Deum constituit omnis peccati caput, & authorē*, licet disertis iterum verbis sapius neget Deū esse peccati Authorē. Calvinistæ grauitè conqueruntur, sibi, & Caluino manifestā à Catholicis fieri iniuriā, quod nuspiam ipse hanc phrasin, vel terminum habeat: *Deus est author*

SECTAE CALVINISTICAE. 67

author peccati, cū contraria expressè, & clarè in multis passim eius scriptis extet: *Non est peccati author*. Verùm nihil est, nisi callida fraus, insignis strophæ, & fallacia Caluini, qui sub hac phrasè os negatione impiæ & blasphemæ suæ sententiæ virus lectorib. insufflat, quæ sunt præstigiæ Diaboli, qui sub specie pietatis impietatem, & sub veritatis colore sua nobis cōmendat, & vendit mendacia. Etenim Calvinus astutè illum tantum, qui peccatum, & scelus proximè committit, vocat peccati authorem, vt si quis ex suggestu atq; inspiratione Diaboli furatus, vel scortatus esset, non Diabolus, sed homo tantum furti, & scortationis sic dicendus author. Catholici, & omnes omninò homines communi sensu præditi, ex communi loquendi vsu, & propriâ vocis significatione, authorem vocant alicuius sceleris, qui efficaci voluntate, motuq; ad illud concurrit, & maxime illum, qui illud imperat aliis, & executioni mandat, quod de Deo expressis verbis clarâ, & altâ voce, Cal-

vinus ex Cathedrâ suâ pronunciat, suisque scriptis passim inculcat. Cal. li. 1. instit. cap. 17. §. 11. ait: *diabolum nec conceptum malum moliri, nec ad perpetrandum digitum mouere posse, nisi quantum ille permiserit, imò nisi quantum ille mandarit.* li. 2. Inst. cap. 4. §. 2. *Idem ergo facinus Deo, Satane, homini assignari videmus non esse absurdum.* Vt ergò distinctè loquamur, & cum Caluino, verbis Caluini, sententiam illius ex sui pectoris scrinio, suâque linguâ, & propriis characteribus exprimemus.

„ Deus omnis peccati, sceleris, & flagiti causa est, efficaci voluntate, motuque cum Satana, homineq; impio, concurrens, prima, principalis, & remota: diabolus, & homo reprobus causa secunda, instrumentalis, & propinqua. Habesne iam Calvinista quod excipias? aut de quo conqueraris, quod Caluino aliena affingantur verba? Exstat pars prima huius propositionis, imò totius distinctio, lib. de æternâ Dei prædest. edito anno 1552. in fol. pag. 246. ubi ait: *Ergo cum iustâ de*

causâ licet nobis ignotâ à Domino procedât, quæ sceleratè ab hominibus maleficia perpetrantur; etiamsi rerum prima causa sit eius voluntas, peccati tamen eum esse auctorem nego: hoc est, ut suprâ exposuimus, qui proximè illud & instrumentaliter, propriis manibus, & membris, committat. Ideoque ibid. in eodem textu subiicit: Nec verò obliuione tegenda est, quam posui, causarum diuersitas, quod alia est propinqua, alia autem remota causa, ut sciamus quam longa inter & quabilem Dei prouidentiam, & turbulentos hominum impetus sit distantia. Idem patet ex illius instructione, quam edidit aduersus Libertinos cap. 14. Magna, inquit, est differentia inter opus Dei, & opus impii, cum eo Deus vice instrumenti utitur. Et adhuc clariùs in instit. lib. 2. cap. 4. §. 5. Longo tamen discrimine semper distat in eodem opere id quod agit Dominus, ab eo quod Satan, & impii moluntur. Ille mala instrumenta quæ sub manu habet, seruire iustitiæ suæ facit. Hi prout mali sunt, nequitiam ingenii prauitate conceptam effectui pariunt. Vides quæ sit

operis vtriusque, Dei, & Diaboli differētia, nempe quod Deus illud principaliter, Diabolus instrumentaliter perficiat; vnde pater posterior propositionis pars: Diabolum, hominesque
 “ scēlestos esse peccati causam secundā,
 “ instrumentalem, & propinquam, quæ
 prolixius in institutionibus deducitur, quas qui cautè & attentè legit, semper obseruabit flagitiorum, & scelerum Diabolū, & homines reprobos dicit à Caluino *instrumenta, ministros, & executores*. Li. 2. inst. c. 4. §. 2. *Dicitur & Deus suo modo agere, quod Satan ipse, instrumentum cum sit ira eius*. Et lib. 1. cap. 18. §. 1. *Colligimus eius probationis, cuius Satan, & scēlesti latrones Ministri fuerunt, Deum esse authorem*. Et ibid. paulò antè: *Scimus Satanam se coram Deo sistere ad excipiendā iussā, non minùs quam Angelos qui sponte obediunt*. Et ibid. infra sic concludit: *Ergo quidquid agitent homines, vel Satan ipse, Deus tamen clauum tenet, vt ad exequenda sua iudicia conuertat eorum conatus*.

SECTÆ CALVINISTICÆ. 71

Ex his iudicet Lector annon eius-
dē cum Diabolo, & malignis hominib.
culpæ socium faciat, & principalem
authorem, Deum: imò ille se ipse ab
hoc crimine expedire aliter non po-
test, quam dicendo: *quomodò Deus in o-
pere communi ab omni culpa sit immunis,
ministros autem suos damnet, vix capit
sensus carnis.* ib. §. 1. Ac alibi lib. de æ-
terna Dei prædest. f. 917. vult esse my-
sterium.

Zuinglius tamen magis Germani-
cè, & nihil circuitione vsus, retun-
dè proclamat Deum peccati & iniu-
stitiæ authorem. in serm. de pœnit.
cap. 5. Numen, inquit, ipsum author est
eius, quod nobis est iniustitia. Et cap. 6.
*Quod Deus operatur per hominem, ho-
mini vitio vertitur, non etiam Deo.* Et
infra: *unum igitur atque idem facinus,
puta adulterium, aut homicidium, quan-
tum Dei est authoris, motoris, impulso-
ris opus, crimen non est, quantum autem
hominis, crimen ac scelus est.* Caluini-
anum Mysterium, quod vix capit sen-
sus carnis.

Porrò vt principalia aliquot CALVINIANAE DOCTRINAE capita perlustrem⁹, quēnā sint, & qualia, nouane, an verò antiqua; hæretica, an verò sanctis Catholicis patribus congrua, nemode iis locupletius, atque euidentius ferre potest testimonium, iudiciumque, authore CALVINO ipso. Sic ergo paucis habe.

1. Non licere laicis in necessitatis casu sacramentum baptismi administrare. Cal. lib. 4. c. 15. §. 20. *Quod à multis ab hinc sæculis, adeoque ab ipso ferè Ecclesie exordio, usu receptum fuit, vt in periculo mortis laici baptizarent, si minister in tempore non adesset, non video quàm firmà ratione defendi queat. Ne ipsis quidem veteribus qui hunc morem vel tenebant, vel patiebantur, constabat, an rectè id fieret. At periculum est, ne is qui agrotat, si absque baptismo decesserit, regenerationis gratiā priuetur. Minimè verò.*

At S. Augustinus lib. 3. de Anim. & eius orig. c. 9. *Noli, ait, credere, noli dicere, noli docere, infantes, antequam baptizentur, morte praueutos, peruenire posse*
ad

SECTÆ CALVINISTICÆ. 73

ad originalium peccatorum indulgentiam,
 si vis esse Catholicus. Et epist. 28. ad Hieron. *Calvinus non est Catholicus.*
 Quisquis dixerit quod in Christo vivificabuntur etiam parvuli, qui sine sacramenti eius participatione de vita exeunt, *totam condemnat Ecclesiam.*
 Quapropter inquit Sanctus Hieronymus in dial. cont. Lucif. Baptizare, sine necessitas cogat, scimus etiam licere laicis.

Nullum esse in Ecclesia visibile, exter- 11.
 num, & propitiatorium sacrificiū.
 lib. 4. cap. 18. §. 11. *sed quia veteres quoque video aliò hanc memoriam detorsisse, quam institutioni Domini conveniebat, &c. excusari posse non arbitror, quin aliquid in actionis modo peccauerint. Imitati sunt enim propius iudaicum sacrificandi morem, quam aut ordinaverat Christus, aut Evangelii ratio ferebat. S. Athanas. in serm. de defunctis: Incruenta hostia oblatio, propitiatio est. S. Basil. in Liturg. in initio: Dignos effcito nos, qui puro corde stemus coram te, tibi que ministremus, & offeramus sacrificium hoc reuerendum ad abolenda delicta, & pro piaculo populi tui. S. Cyrill. catech. 5. Mystag. Christum*

E s pro

pro nostris peccatis mactatum offerimus, ut & nobis, & illis eum, qui est benignissimus, propitium reddamus. S. Chrylost. l. 6. de Sacerdotio: Sacerdos pro uniuerso orbe terrarum legatus intercedit, deprecatorque est apud Deum, ut hominum omnium, non uiuentium modo, sed etiam defunctorum, peccatis propitius fiat. S. Aug. Epist. 23. dicit: Christum semel in cruce immolatum, omni die in sacramento pro populis immolari. Et lib. 20. de Ciu. Dei c. 25. scribit sacrificium pro peccato offerri in Ecclesia, usque ad diem iudicii.

III. *Christum Mediatorem esse secundum naturam utramque, & non humanam tantum. l. 2. c. 14. §. 3. Atque hic excusari non potest veterum error, qui dum ad Mediatoris personam non attendunt, totius ferè doctrinae, quae in Euangelio Iohannis legitur, genuinum obscurant sensum, seque implicant multis laqueis.*

Docent enim Sancti Patres Christum Θεωσπερ Mediatorem esse, sed secundum eam naturam tantum, secundum quam mereri, & satisfacere potuit; ieiunio, precibus, passione, &

mor-

SECTÆ CALVINISTICÆ. 75

morte. Cyrillus in Apol. pro 12 capp. contr. Orient. *Quando factus est homo, vocatus est Pontifex.* Et infra: *Audiens quod Sacerdos dictus est propter humanitatem, erubescisne?* Et l. 11. in Ioh. cap. 7. *In quantum Deus est, unâ cum patre nobis bona largitur, in quantum verò Mediator, & Pontifex, nostras preces ad patrem adducit.* Fulgent. lib. de Incarnat. & grat. Christi, cap. 13. *Hic in humanâ naturâ Mediator Dei & hominum factus est.* August. passim tract. 82. in Iohan. *Mediator Dei & hominum, non in quantum Deus, sed in quantum homo est IESVS Christus.* Et l. 10. Conf. c. 43. *In quantum homo, in tantû Mediator, in quantum autem verbum, non medius, sed equalis Deo.* Et l. 2. de pecc. orig. c. 28. *Nô per hoc mediator est, quod equalis patri, per hoc enim quantum pater, tantum & ipse à nobis distat: Et quomodo erit medietas, ubi eadem distantia est? Ideò Apostolus non ait Christus IESVS, sed homo Christus IESVS? Per hoc ergo Mediator, per quod homo, inferior patre, per quod nobis propinquior.*

Non

IV. Non esse liberum arbitrium, aut
 feruum esse, quod voluit Lutherus, ac
 instar trunci & stipitis, tum etiam
 quando Dei gratia excitatur. lib. 2. c.
 2. §. 4. *Semper apud Latinos nomen liberi
 arbitrii extitit, apud Grecos verò ἀνθρώπου
 αὐτονομία vocabulum multò arrogantius.* & ib.
 §. 8. *Magno, ait, censeo Ecclesie bono fu-
 turum, si aboleatur, neque ipse usurpare
 velim, & alios si me consulant, abstinere o-
 ptarem.* Ibid. sic loquitur: *Porro tametsi
 Greci præ aliis, atque inter eos singulari-
 ter Chrysostomus in extollendâ humane
 voluntatis facultate modum exceßerunt,
 veteres tamen omnes, excepto Augusti-
 no, sic in hac re aut variant, aut vacillant,
 aut perplexè loquuntur, ut certi ferè nihil
 ex eorū scriptis referre liceat.* Postea, quæ
 vnicū exceperat, reprehendit etiam S.
 Augustini sententiâ ex epist. 106. *volū-
 tatē nostram cooperari gratiæ, non ut præ-
 uiam, sed ut pedissequam, c. 3. §. 7.* Ac tã-
 dē pergit maledictis in seq. S. Chrysost.
*Ideo, dicens, non rectè à Chrysostomo scri-
 ptum est; nec gratiam sine voluntate, nec
 voluntatem sine gratiâ posse quicquam o-
 pera-*

SECTÆ CALVINISTICÆ. 77

perari. ib. Et infra §. 10. *Illud ergo toties à Chrysostomo repetitum, repudiari necesse est: Quem trahit volentem.* Et l. 3. ca. 11. §. 15. *Ac ne quidem Augustini sententia per omnia recipienda est, qui gratiam ad sanctificationem refert, &c.*

Concupiscentiam originalem etiā post remissionem, & baptismatis abolitionem, formaliter esse, & manere peccatum. lib. 3. cap. 3. §. 10. *Ab uno Augustino, inquit, sumant lectores, si quid de sensu antiquitatis habere certi volunt. Porro inter illum, & nos hoc discriminis videri potest, quod ipse morbum concupiscentiæ peccatum vocare non audet, sed ad illud designandum, infirmitatis nomine contentus, tunc demum fieri peccatum docet, ubi vel opus, vel consensus ad conceptionē, vel apprehensionē accedit: hoc est, quando primæ appetitioni cedit voluntas, nos autem illud ipsum pro peccato habemus.*

Doctrinam de fidei, bonorumque operum meritis esse erroneam. lib. 3. c. 15. §. 2. *Vsi sunt fateor passim vetusti Ecclesiæ scriptores, atque utinam vculâ minus abusu, erroris materiam posteris non*
pra-

præbuisſent. Quorſum obſcero opus fuit
inuchi nomen meriti? quantum autem i-
pſum offenſionis in ſc̄ contineat, magno
cum detrimento orbis patet.

● Nihil ineſſe piis & laudis iuſtitia. l.
vii. 3. cap. ii. §. 15. Schola in deterius aber-
rauerunt, donec tandem præcipiti ruinâ
deuolutæ ſunt ad quædam Pelagianismum.
Ac nec Auguſtini quidem ſententia vel
ſaltem loquendi ratio per omnia recipien-
da eſt, teneſi egregiū hominem omni iu-
ſtitia laudis ſpoliat, ac totam Dei gratiæ
adſcribit. Sententiæ ſuæ contra S. S.
Patres Caluinus hæc ſupponit fun-
damenta. I. Quod pii non poſſint vl-
lum edere opus bonum. Lex enim
Dei, inquit, quæ bona opera præci-
pit, impoſſibilis eſt. lib. 2. cap. 7. §. 5.
Quod autem impoſſibilem legis obſerua-
tionem diximus, paucis id eſt explican-
dum, & confirmandum: ſolet enim vul-
go abſurdiſſima ſententia videri, ut Hi-
eronymus non dubitarit Anathema illi
denunciare. Quid viſum ſit Hieronymo, ni-
hil moror, &c. Atq; ita omnes lancinat
S. S. Patres. S. Baſil. orat. in illud: *Atten-*
deret;

SECTÆ CALVINISTICÆ. 79

de tibi: *Impium*, ait, est dicere *impossibilia* esse spiritus praecepta. S. Chrysost. hom. 8. de pæn. Nequaquam Dominum accusas, haud mandat impossibilia. S. August. lib. de Nat. & grat. cap. 43. Non igitur Deus impossibilia iubet, sed iubendo admonet, & facere quod possis, & petere quod non possis. II. Omnia etiam iustorum opera esse inquinamenta, & sordes, peccata, iniquitatem, damnabilia. lib. 3. inst. cap. 12. § 4. Omnia hominum opera nihil sunt, nisi inquinamenta, & sordes, & quæ iustitia vulgo habetur, ea apud Deum mera est iniquitas. Et cap. 14. §. 9. Habemus ne unum à Sanctis exire opus, quod si in se censeatur, non mereatur iustam opprobrii mercedem. Et §. 11. Duobus his fortiter insistendum nullum unquam extitisse pii hominis opus, quod si seuerò Dei iudicio examinetur, non esset damnabile.

Nullam requiri piorum confitentium in pœnitentiâ satisfactionem li. 3. cap. 4. §. 38. Parum memouet, quæ in veterum scriptis de satisfactione passim

occur-

Calumnus, occurunt. Video omnes dicam simpliciter, solus sapit. quorum libri extant, aut hac in parte lapsos esse, aut nimis asperè ac durè locutos.

IX. De Ecclesiastica pœnâ pœnitentib. imponenda. lib. 4. cap. 12. §. 8. *Excusari nullo modo potest immodica veterum austeritas, quæ prorsus à Dei præscripto dissidebat, & erat mirum in modum periculosa. Vbi simul declarat Cyprianum: non sponte fuisse tam rigidum, Sanctum Chrysostomum duriores. Sanctum Hieronymum verò mendacii, & imposturæ arguit lib. 4. cap. 19. §. 17. quod ementitum sacramentum isto ornari elogio: secundam tabulam esse post naufragium. Sed dictum est Hieronymi: cuiuscunque sit, quin planè impium sit, excusari nequit.*

X. De cœlibatu similiter sententiam S. Hieronymi perstringit, lib. 4. c. 12. §. 24. *Hostes nostri obiecto antiquitatis nomine coniugium in sacerdotibus infamant. Quantum ad Patres attinet, neque ipsi, excepto Hieronymo, tantâ malignitate coniugii honestati obrectarunt. Sed nō est Hieronymus solus, sed cum illo universus S. S. Patrum chorus. Ambros.*

SECTAE CALVINISTICAE. 81

in I. Tim. 3. Si plebeis hominibus, orationis causâ ad tempus se abstinere precipit Paulus, quantò magis Levitis, & sacerdotibus, quos die, noctuque pro plebe sibi commissa oportet orare, mundiores ceteris esse debent, quia actores Dei sunt. Nihil ab hoc alienû dicit S. Hieron. in comm. c. 1. ad Tit. Si Laicis imperatur, ut propter orationem abstineant se ab uxorum coitu, quid de Episcopo sentiendum est, qui quotidie pro suis populi que peccatis illibatas Deo oblaturus est victimas.

Non esse pro mortuis orandum. li. 3. cap. 5. §. 10. Quum ergo mihi obiiciunt Aduersarii ante mille & trecentos annos v. su receptum fuisse, ut preces fieret pro defunctis, hoc ita soluit: Abrepti fateor in errorem fuerunt, nempe ut inconsiderata credulitas priuare iudicio solet hominum mentes. Monicam matrem suam in libris Confessionum Augustinus narrat, vehementer rogasse, ut sui memoria in peragendis mysteriis fieret ad altare. Anile scilicet votum, quod filius non exegit ad normam scripturae, sed pronature affectu probari aliis voluit. Liber autem de curâ pro mortuis

F

agen-

agendâ, tot hesitationes continet, ut suo frigore meritò debeat stulti & calidorem extinguere, si quis mortuorum patronus esse appetat.

- xii. Limbum à S.S. Patribus esse effictum. l. 2. cap. 16. §. 9. *De loco subterraneo cui posteritas afflaxit nomen Limbi, fabula est, tamen si magnos authores habet, nihil tamen quàm fabula est.* Sic enim vocat S.S. Patres: at reliquos Doctores scholasticos solum Sophistas appellat.

- xiii. De Quadragesimâ nihil verecundiùs loquitur lib. 4. c. 12. §. 19. & 20. *Qua in parte non in totum excusare audeo veteres, quin & superstitionis quadam semina iecerint, & occasionem præbuerint tyrannidi. Occurrunt quidem interdum sanæ, ac prudentes de ieiunio sententiae: sed postea occurrunt subinde immodicæ ieiunii laudes, quæ ipsum inter præcipuas virtutes extollunt. Et tunc passim inualuerat supersticiosa Quadragesimæ observatio.*

Sed mirum non est cælibatum, ieiunia, totumque Quadragesimæ tempus Caluino non placuisse. Sunt id
genus

granta
monac

Calvinus
non ponit
ieiunium
inter præ-
cipuas vir-
tutes.

SECTÆ CALVINISTICÆ. 8j.

genus hominum plures. Sanctus Ambrosius serm. 34. *Quisquis Christianus* ^{Non est Christianus} *ieiunando non impleuerit Quadragesimam, prauaricationis, & contumacie reus tenebitur.* Sanctus Hieronymus ad Marcellam aduersus errores Montani: (& Caluini) *Nos vnā quadragesimam secundam traditionem Apostolorum, tempore nobis congruo, ieiunamus.* Sanctus Augustinus serm. 62. de tempore: *Aliis diebus ieiunare remedium est, aut premium: in Quadragesimā non ieiunare peccatum est.*

Hoc ordine, si quis vniuersam Calvinianæ doctrinæ summam velit per texere, facillè posset, sed illi non vnico capite, sed integro opus esset opusculo. Sufficit hic aliquam eius delineationem appinxisse, ex quā prudens lector videat, Doctrina Caluini, sitne vetus, an noua: Sanctis Catholicis patribus consonans, an verò hæretica.

De Placitis, & Traditionibus quibusdam Calvinianis.

Hæc eius generis sunt, vt nequæ

F a in

in scriptutis, neque in S S. Patribus, vel vllis antiquis Ecclesiæ annalibus, historiæque existent; magnâ tamen à vulgo Doctorculorum inter Caluinistas reuerentiâ suscipiantur, ac doceantur: ideoque *Caluini placita*, & *Caluinistarum Traditiones* nominantur. Vnicam atque alteram delibabimus.

i. Pontificem, & Episcopum Romanum esse Antichristum. Cal. l. 4. inst. c. 2. §. 12. & passim. Sic omnes eius satellites, & discipuli, qui tamen inter se contendunt, an inter Caluini traditiones, an verò inter fidei articulos referri debeat: priorem sequitur sententiam Arminius; posteriorem Pouellus, & vniuersa Caluinistica turba.

ii. Catholicæ Ecclesiæ doctrina qualis sit: Quasi verò dubium sit, inquit, qualis Religionis speciem professi sunt iam pridem Pontifices, cum toto Cardinalium collegio, & hodie profiteantur. Primum enim arcana illius Theologiæ, quæ inter eos regnat, caput est: Nullum esse Deum: Alterum, quæcunque de Christo scripta sunt, ac docentur, mendacia esse, & imposturas: Tertium, doctrin-

doctrinam de futurâ vitâ, & ultimâ resurrectione meras esse fabulas. lib. 4. inst. c. 7. §. 27.

S. Petrum Apostolum Romæ mortuum III. *esse, sed non ibidem fuisse Episcopum.* Quid ergo Piscatorem? l. 4. c. 6. §. 15. Hic tacite innuit Petrum Apostolum deseruisse Romæ suum Episcopatum, & ad commercia vitæ prioris rediisse, templum cū foro piscatorio mutasse.

Cænobia esse lupanaria, in quibus Monachi non aliter, quam porci in havis saginentur. l. 4. cap. 13. §. 15.

Discessionem facere ab Ecclesiâ, qui in cænobia concedunt. ibid. §. 14. *suisque votis non Deo, sed demonio se consecrare.* ib. §. 15.

Paulum III. Papam moriturum, dixisse: VI. *se iam experturum veritatem trium questionum, de quibus in totâ vitâ dubitasset:* 1. *an animæ immortales*, 2. *an infernus sit*, 3. *an Deus.* Pareus in expol. Catech. Ursini, quæst. 57.

Hermannum Papistam comparare S. VII. *Scripturam, citra Ecclesiæ approbationem, cum fabulis AEsopi.* Pareus in disput.

de script. qui hanc descripsit ex VVhi-
takero, & hic ex Heshusio.

Cum his coniungi possunt pro do-
ctrinæ Caluminiæ confirmatione, *Re-
velationes*, & *somnia* Zuinglii in lib. de
subl. *Apparitiones Angelicæ* factæ Casp.
Oleuiano, vt memorat Piscator, item
que factæ Chryngo, in itinere Spiren-
si, vt pro cōcione audiui narrari a Scul-
teto. *Miracula* Francisci Iunii, qui cer-
tis herbarum foliis vlcera; itemq; pe-
dum, vel digitorum vulnera ex frigore
vel gelu contracta, sanare poterat. in
ipsius vita. *Apocalypsis*, & *Prophetia* Io-
hannis Piscatoris, Pseudotheologi,
quæ post obitum demum lucem vide-
bit, quia mala omina vaticinatur Do-
mui Austriacæ, & quibusdam Catho-
licis Principibus. Ac postremò Plato-
nicæ Concionum, *Ideæ* Sculteti, qui
imperito vulgo pro MEDULLA PA-
TRVM vendit putridum infani sui ca-
pitis cerebrum: vix videas esse eme-
dullata ossa, aut cassa putamina, nedū
Doctrinæ nucleum. Certè sunt suai-
pius excrementa, & non *Medulla Pa-
trum*.

CAP. VI.

De Calvinistarum inter se diffidiis, & contentionibus: itemq; nouis aliquot exinde distinctis sectis.

Proximum à Doctrinâ Calvinistarū Deus non est dissensionis sed pacis Deus. 1. Cor. 14. caput est, ut eorum lites, & dissensiones mutuas expediamus. Ne tamen confusè de confusis & intricatis, tot, tantisque, ac tam grauib; dissidiis, & mutuis altercationibus loquamur, nosq; ipsi confundamus, ordine quodam progrediemur.

I. De Diffidiis Calvinistarum Anglorum inter se.

Leuis est, quicunq; leuè esse existimat dissensionem Puritanorum cum Anglo-Calvinistis, quos Puritani Anglo-papistas nominant, nec tantum in externis ritibus est, & cæremoniis, quas infra c. 9. depingemus: Verum in quibusdam doctrinæ punctis; vel iis, quæ circa eius praxin præscribuntur. Puritani nolunt in Ecclesia ullos esse officiorum, & dignitatum ordines: Anglo-Caluiniani contra. 2. Episcopa-

lem ordinem non modò distinctum, sed etiã iure diuino superiorem presbyterio, Oxoniæ in publicâ & solenni pro gradu, tituloque Doctorali, disputatione affirmari in thesibus vidi, & audiui, quod Puritani cum omnibus reliquis Caluinistis simpliciter negât.

3. Anglo-Caluiniani non modo honorant Christi trophæum, in quo mûdi facta est reparatio, CRUCEM, sed etiam eius signum sacramentis, & imprimis baptismo adhibent: Puritani, & cæteri omnes Caluinistæ ad crucis signum tremiscunt, & horrent; ideoq; ybique demoliuntur.

II. De dissidiis Anglorum cum Hugonottis, id est, Caluinistis in Gãllia.

A Cris fuit quondam in scriptis agitata controuersia inter Anglos, & Hugonottas, aliosque sine ordinibus circumuagantes Caluinistas in Germania: Anglis contendentibus; Non obstante Reformationis necessitate, continuam debere in Ecclesia

Epi.

SECTÆ CALVINISTICÆ. 89

Episcoporum, ac pastorum ordinationem, successionemque, absque ullâ interruptione seruari, cum ex conscientia vniuscuiusque satis constet, neminem ad hanc Ecclesiæ reformationem diuinitus instar Apostolorum, extraordinariè & immediatè vocatū: ac proinde legitimam pastorum ordinationem, & catenatam quandam Episcoporum successionem necessariò retinendam.

Videte prudentiam, vel potiùs astutiam Anglorum, qui volebant Germanos, & Gallos mare transfretare, & primas ordinationes Prædicatorum, ab ipsorum Episcopis petere, (sicut Hussitas à Romana Ecclesia, ad tempora vsque Lutheri hoc obseruasse constat) suamque Ecclesiam REFORMATARVM MATREM constituere, vti adhuc hodie illam in publicis dictis & scriptis CATHOLICAM-ANGLICAM nominant. Huius rei magnam sibi spem fecerant, in primis cum Evangelici Protestantes paulò ante à Ieremia Patriarcha Constanti-

nopolitano, sub cuius alas, & patrocini-
 um profugere volebant, cum ana-
 thematismo, turpiter repulſam tulif-
 ſent. Verum conſilium Anglorū Hu-
 gonottis non placuit, imo adeò diſpli-
 cuit, vt illorum importunitatē Anto-
 nius Sadeel, Gallus, Satyrico & inue-
 ſtuo libello retunderet. Legant illum
 Calviniftæ; Titulus illi eſt: *De Legiti-
 mæ vocatione Paſtorum Eccleſiæ Refor-
 mata.*

*III. De diſſidiis Gallorum cum Piſca-
 torianis in Germania.*

Ante annos ſex, pluresue, Hugonot-
 tæ in Gallia, Iohānis Piſcatoris, de quo
 infra, mōſtroſas opiniones, & Caluini
 doctrinæ, ac ſpiritui contrarias, longo
 examine ſcrutati, hēreſes eſſe affirma-
 runt, & cōmuni decreto Piſcatorē Hē-
 reticū publicā ſententiā, & anathema-
 te condemnandum concluſerūt. Quo
 nuncio accepto Illuſtris Dominus IO-
 HANNES ſenior, p. m. Comes à Naſ-
 ſaw, in Dillēberg, attonitus tam pro-
 broſā in ſe, ſuosq̃, ſententiā, legatione
 mittit Heidelbergam ad Facultatē
 Theo-

Theologicam, Doctorem Crociũ, & Matthiã Martinium Theologos, anno 1604. mediã hyeme, menſe Febr. vt Piſcatoris cauſa examinetur. Legati impetrauerẽ quidem ab Heidelbergenſibus excommunicati Piſc. ab Anathematismo abſolutionem, ſed opinionum, ac Hæreſum approbationem obtinere non potuerunt.

IV. De diffidiis Caluinistarum in Germania, ac quidem trium iſtarum Academicarum.

Heidelbergenſis, Baſilcenſis, & Marpurgenſis.

Prodiit nuper fidei articulus ex ſchola Piſcatoris de FRACTIONE PANIS in cœna, circa quem grauit̃ paucis ab hinc annis diſceptatum fuit in tribus Caluinistarum dictis Academicis. Baſilienſis, & Marpurgenſis extremẽ colluctantur : Heidelbergſis ſeſe Arbitram interponit, reprehendit vtramque, ac mediam inter illas ſententiam ſtatuit. Marpurgenſes vrgent in templis ſuis fractionem panis, &

vid. Aphor. viſ. iſc. de Cœna Domini Aph. 6.

& cæremoniam essentialem esse clamentant, sine quâ dominica cœna non est cœna, vt quoties panis in cœna nō frangitur, toties sacramentum non sit celebratum. Basilienses rident Piscatoris, & Marpurgensium nugas, & asserunt istam fractionem prorsus non esse cœnæ essentialem, imò ne quidē ritum eius necessarium, sed ἀδιαφορον: ideoq; in suis Ecclesiis, vt oppositum teneant, panem in cœna non frangūt. Heidelbergenses aiunt falsò dici cæremoniam illam esse essentialem; falsò item dici, esse adiaphoron: sed omninò esse necessariam, & non ad ritus sacramentalis essentiam, sed integritatem pertinere. Ita hanc controuersiam resoluit Pareus, qui hodie vult esse Calvinistarum Dux, & Coriphæus, vti illā ex ore publicè dictantis adscripsi.

*V. De diffidiis Academiae Heidelbergensis,
cum Ministris, vel Predicantibus
Palatinis.*

PAUCIS ab hinc annis, sub meum aduentum, decurrente anno 1603. ad
Aca-

SECTÆ CALVINISTICÆ. 93

Academiam Heidelbergensem, Prædicantes Palatini conspirarunt in novam doctrinæ formulam, contra Academiam Heidelbergensem similiter in negotio de sacramento cœnæ, paucisque locis aliis. Sententiæ & argumentorum hæc ferè summa est. Communè, & hætenus vsu potius, quam veritate receptum, tritumq; dogma, de vera & reali corporis Christi communione, & præsentia, quod Academici Doctores nostri in scholis tradunt, atque defendunt, licet fidei solius medio, & instrumento, non modò periculosum est, sed planè etiam falsum. Nobis itaque (& Zuinglii * spiritui) visum est, certas conscribere concionandi formulas, & phrasas, quibus in posterum sit utendum, & quibus oculis, & terminis abstinendum, ut falsò hætenus tradita corporis præsentia, quæ tantum in cœlis est, à cœnâ exterminetur. Multas adferunt sententiæ suæ rationes, & argumenta, quibus hoc cōcludunt, adduntq; sub finē, sententiæ prioris de fidei præsentia authorem, eum-

*
albusne sit,
an ater i-
guaratur.

cumque in agone mortis desperatè
super illa multis præsentibus conqu-
stū, ac protestatū fuisse, se pacis, & cō-
cordiæ cū Lutheranis gratiā, rem fal-
sam docuisse. Sed operæ pretium est
adscribere formalia ipsorum hac in re
verba: Rationum quas adferunt sexta
hæc est: *Quia Phrases istæ displicuerant
inuentoribus ipsis. Nam Bucerus princeps,
& author concordie VVitembergensis, ad
Petrum Mart. in Anglia, paulò ante
quam moreretur, testatus est, se pœnas da-
re impudentiæ, quod homopruiatus causam
publicam, & tot praua dogmata voluerit
conciliare. Audiuerunt hoc ex ore Marty-
ris Bullingerus, & Simlerus: Audiuit hoc
ex ore Bullingeri Daniel Tossanus, Ex hoc,
* anno 1592. die 20. Nouemb. * Grunradius,*

Heildelber. Pezelius, & alii.

*gæ Senatus
Ecclesiasti-
ci Phases,
vir nobilis.*

Ratio septima: *Quia phrasēs sunt
periculosissime. Ideò Ursinus p. m. solitū
est dicere: Vinam nunquam auditum esset
vocabulum præsentie in hoc negotio. Hanc
rem prædicantes clam admodum e-
gerunt, & communi omnium mini-
strorum per palatinum consensu,*

con-

consilio, & operâ imprimi sub silentio
 mandarunt. Cum monstrum iam in-
 lucem ederetur, grauiter tumultuan-
 tur Doctores Academici, Prædican-
 tes coram Senatu Ecclesiastico accu-
 sant, erroris damnant, & impressos li-
 bellos ad vnum omnes suppressi, & i-
 gne comburi postulant. Author hu-
 ius tragædiæ primarius fuit M. Abra-
 hamus Scultetus; nam ille omnium,
 primus subscripsit, & post illum Bar-
 tholomæus Pitiscus, concionator au-
 ducus, & suo quisque ordine reliqui.
 Dissensiones verò doctorum Acade-
 miarum inter se, sicut & inter se Præ-
 dicantium, priuatæ, plures sunt, quam
 in cælo stellæ, in fidei articulis, in
 scripturæ expositionibus, in propriis
 dictis, & scriptis, vt certâ quadam de-
 finitione, & numero comprehendi nō
 possint. Intereâ tamen difficile non
 erit Calvinistas ob tantas, tamq; acres
 inter se dissensiones, & rixas, in cer-
 tos distribuere ordines, & familias,
 vt reuerâ suorum Magistrorum, no-

*inter su-
perbos sem-
perurgia
sunt. lron.
30.*

mini-

minibus, doctrinâ, & locorum habitationibus distincti sunt, ac tres faciunt diuersas, & fundamentaliter inter se plusquam Lutherani cum Calvinistis, dissidentes sectas. Prima est eorum, qui Caluinum adamussim sequuntur, suæque Ecclesiæ Reformatorem colunt: & huc pertinent Calvinistæ in Palatinatu, Hugonottæ in Gallia, Puritani, & Anglo-Calvinistæ in Anglia, & Scotia, plerique Belgæ: imò ipsi Zuingliani in Heluetia. Secunda est Piscatorianorum: Tertia Arminianorum, de quibus in progressu.

C A P. VII.

De Piscatorianis, qui, & ubi?

C Apite superiori dictum fuit Hugonottas Piscatorianos hæreseos damnasse, atque anathematis fulmine proscriptisse; neque etiam Palatinos illorum opiniones, tanquam in fundamentis errores, approbare voluisse. Anglorum etiam scrutatus Can-

SECTÆ CALVINISTICÆ. 97

Cantabrigiæ de Piscatore iudicium;
 Hæreticum esse, & hominem nasutū,
 responsum tuli. Visum ergo fuit, nouū
 hunc Hæresiarcham, eiusque opinio-
 nes, ac denique suæ sectæ complices,
 & in quæ Germaniæ loca diffusi sunt,
 breuiter indicare. Author est IOHAN-
 NES PISCATOR, Argentinensis, Ar-
 tium Magister, & Theologiæ Caluini-
 anæ in illustri Gymnasio Herbornensi
 Professor, homo aspectu simplex, &
 gestibus humilis, mente verò, & spiri-
 tu ita elatus, & turgidus, vt omnes sui
 ordinis Doctores despiciat, & nō mo-
 dō ipsorum singulorum, sed etiam v-
 niuersarū Academiarum autoritatē
 suo postponat iudicio, ausitq; publi-
 cē dicere: *sibi plus ceteris omnibus diui-* *in præfat.*
nitus esse concreditum, item: se habere ex- *suorum*
ercitatos in scripturis sensus. *bibl.* Vix aliquis
 credat, quam sit homo superstitione
 plenus, qui vt cæteros Calvinistas me-
 ritō superet, etiam *Scholarum Reforma-*
tionem excogitauit, exque iis omnes
 bonos Authores gentiles: *Ciceronem;*
Terentium, Salustium, Horatium, Virgili-
um; &

um, & id genus omnes, relegauit & ex versib. quos studiosa iuuentus ibi quādoq; scribebat, semper liturā obduxit vocabula, quæ maximè sūt poetica; vt *Ceres, Bacchus, Mars, Diana, Phæbus*, &c. Tandē etiam astrorum, dierum & planetarum nomina reformare, & pro illis Christiana substituere conatus est: Sed hic illi aqua hæsit. Hunc integro biennio, cū anni demidio, præceptorē frequentauī, exq; ore illius apophthegmata aliquot, & elegantiores sententias publicè recitatas annotauī. Anno 1601. Præses disputationis de S. Scriptura, respondente Ioh. Damasceno Volxheimer Palatino, cū opponentiū aliquis contenderet libros Tobia, Sapientia, Ecclesiasticum, non posse ita cōtumeliosè ex corpore biblico, tanq̃ Apocryphos eliminari, Piscator scitè, & breuiter ex cathedrā iudicialē sententiam pronunciat: *Sie gehören zu der Bibel / wie ein Schwalben-nest zum Baum.* Quo oraculo factū est, vt in posterum discipuli, qui Biblia coemerēt sibi compingi illa curarent, eiectis & euul-

SECTÆ CALVINISTICÆ. 99

euullis e codice illis, quos Apocryphos prætendunt. Inter quos exempli loco Rectorem scholæ Duisbergensis, Conradi Vorstlii, in Steinfurtenſi Gymnasio Theologiæ Calvinianæ Professoris, fratrem nomino. Inspicite eius biblia, & risum tenebis amici. Paulò post cum particularis opinionis suæ, de iustificatiõne, disputationem haberet, illique opponeret Haloinus Gothofredus, Theologiæ Cal. Doctor, nunc prope Vitraiectû in Belgio prædicans, authoritatem Clarissimi Doctoris Polani, Basileæ; & VVhitakeri Angli, Cantabrigiæ, Professorum, dissentientium ab illo, indignabundè quarit: *quis ille Clarissimus Polanus? valeat; Et mox subdit: VVhitakerus negat, Piscator satis Impossi-* *1103d.* *affirmat, contendant hi duo Heroës inter se.*

Sed præstat in eius inquirere doctrinam, ac principales solum recensere opiniones, quibus à cæterâ Calvinistarum gente dissentit.

I. Diuidit Christi iustitiã in eam, quam ex legis obedientiã, vitæque

*vide eim
expof. Ga-
rach.*

sanctitate habet, & in eam, quam ex
passione & morte acquisiuit: quæ ideo
in scholis Calvinianis, vbi refutatur
iustitia Actiua, & *Passiua* nominari con-
suevit. Iustitiam actiuam applicat ipsi
Christo, nihilq; ait aliis prodesse, cum
Christus illam pro se debuerit, vt filius
Adæ, & Abrahæ, legi seruandæ obstri-
ctus. Passiuam applicat solis fidelibus,
pro quibus Christus tantum mortuus
est, illosque in istius iustitiæ per fidem
apprehensione, sine omni infusâ, &
inhærente iustitiâ, ipsorum propriâ,
formaliter iustificari asserit. Breuiter
duo dicit: 1. Christum legis impletio-
ne, vitæq; sanctitate, nihil humano ge-
neri, promeruisse. 2. solâ autem pas-
sione & morte suâ promeruisse, & qui-
dem non humano generi, sed solis in
illo fidelibus, vel prædestinatis. Nam
distinctionem illam, quam Theologi
generalibus istis scripturæ locis: (*vt
gratiâ Dei pro omnibus gustaret mortem.*
Heb. 2. Pro omnibus mortuus est Christus
*2. Cor. 5. Qui dedit redemptionem semet-
ipsum pro omnibus.* 1. Tim. 2. &c. adhi-
bent,

SECTÆ CALVINISTICÆ. 101

bent, exponendo *sufficienter*, pro solis autem fidelibus *efficienter*, exhibet, & sibi refragantem textum Apostoli Ioh. primæ epistolæ Catholicæ capite 2. *Et ipse est propitiatio pro peccatis nostris: non pro nostris autem tantum, sed etiam pro totius mundi*, ita eludit, id est non tantum pro fidelibus & electis ad quos scribebat, sed & reliquis per uniuersum terrarum orbem sparsis. Cum tamen epistola sit Catholica, id est ad omnes mundi fideles scripta.

in comm. in hunc loc. & in respons. ad obiect. Schaffnāni Lutherani.

II. Docet Christum sibi etiam ali-
quid suâ passione, & morte meruisse,
ex loco ad Philip. 2. atque in eo Catholicam sequitur sententiam contra Caluinum, omnesque illius assecclas; quem ex professo, publicè de pulpito, & ex cathedrâ in hoc articulo superciliosè ad calamum refutauit, ei⁹ textum, qui exstat 2. instit. cap. 17. §. 6. *Querere verò an sibi ipse meruerit, non minus stulta est curiositas, quàm temeraria definitio, &c.* pri⁹ subsannando legens. Videte eius exposit Catech.

II.

III. Clamitat fractionem panis in

III.

et cetera

cœnâ Dominicâ esse cæremoniam essentialem, atque ita necessariam, ut quisquis illam omittit, cœnam nō mutet modò, sed etiam tollat. In Aph. de cœna. Aph. 6. Et in Exposit. Catech.

17.

*In suis
Aph. de lege
Dei Aph.*

17.

IV. Docet legem civilem Mosaicam quoad pœnarum genera non esse abolitam, sed sanctè seruandam. Atq; hinc valde fuit agitata quæstio, in illustri Herbornensi scholâ, & ipsius Comitatus aulâ: An fures, quantumcunque furati sint, morte plecti debeant. Piscatôr disputando obtinuit, ut nullus in comitatu Nassouico, &c. fur suspendatur.

F.

V. In omnibus fermè Theologiæ capitulib. de peccato, de prædestinatione, de pœnitentiâ, de satisfactione Christi, &c. singulares habet sensus, terminos, & distinctiones alias à cæteris Calvinistis: ideoq; Catechismû Heidelbergensem passim castigauit, inq; eius locû nouas conscripsit Expositiones Catecheticas. Nec voluit tantum peculiarem suæ sectæ, & discipulis extare Catechismum, sed etiam propria Biblia, iuxta

SECTAE CALVINISTICAE. 103
iuxta suā versionē, quæ sola apud ipsos
authentica sunt, & ex quib. tantum te-
xtus Evangelicus (sicuti hoc meis vidi
oculis religiosè ab illis seruari) pro cō-
cione, ex suggestu populo prælegi de-
beat. In his nouis Bibliis, nuper ex mi-
nistro Caluinistarum, Basileā Heidel-
bergam appellente, intellexi Amandū
Polanum censuram egissē, ac in solius
Pentateuchi versione aliquot centena
vitia, & errata non typographi, sed in-
terpretis, annotasse. Quid de corpore
reliquo sentiendum prospiciant pu-
ri Calvinistæ. Sequitur vt loca osten-
damus quæ Piscatoriani suis prædica-
tionibus, & habitationibus occupant.
Totum Nassouiensem comitatum in-
colūt, ac inde etiam in Hassiam, item-
que in Palatinatum, & loca quædam
Germaniæ inferioris prorepserunt.

C A P. VIII.

De Arminianis, qui & ubi?

ARminiani iam recens in lucem e-
diti in Hollandia, patre IACOBO

G 4. ARMI

ARMINO, quondam Amstelrodamensium prædicante Calvinistâ, nûc in Scholâ Lugdunensi Batauorum Theologiæ Professore. Acris est inter illum, & suum collegam, Francisc. Gommarum, de multis fundamentalibus dogmatis disceptatio, tamque grauis, vt omnes eius loci Theologiæ facultatis studiosi, in duo cornua dissecti sint, aliique Franc. Gomaro, tanquam veteri, & genuino Calvinistæ, adhærescât, alii propter nouitatis studium, & delectationem Hæresiarchæ Arminio applaudant. Ordines Hollandiæ, intellectâ vtriusque contentione, exploraturi num Arminius adhuc basin, & fundamentum Euangelicæ Reformationis teneat, disputationem illi iniungunt de ANTICHRISTO, vt ex illâ innotescat, quorsum hæc res vergat. Hâc omnium Hæreticorum more diligenter præstitit, illique alteram paulò post subnexuit de CONCILIIS, ad quâ ego fortuitò ex Anglia in Belgium lapsus, accessi, & ad opponendum à respondere V Vilhelmo V Virt-

zæo, amicè inuitatus fui. Sed inermis,
 & libris omnibus destitutus, pridie pe-
 tii mihi dari commodatò Calvinum,
 vt ex eius solius pronunciatis, & maxi-
 mis aliquot, Præsidentem cōstringerem,
 illiusq; in Calvinum affectum explo-
 rarem. At omnia mea argumenta
 præcīdit vnico illo ictu: *Nullum volo
 audire ex verbis Caluini argumentum, ni-
 hil mihi cum illo negotii, agat ille pro se.*
 Tandem moui argumenta quædam
 vulgaria, ad quæ ita feliciter respon-
 dit, vt post vices meas quidam ex Præ-
 dicantibus Lugdunensium assurgeret,
 mea argumenta repetens, iis minimè
 satisfactum diceret. Asserebat in the-
 sis suis: ius conuocandi concilia,
 iisq; præsidere, & post litigantium acta
 & propositiones, de quibuscunque fi-
 dei articulis, sententiam ferre decisi-
 uam, & definitiuam, cui omnibus fi-
 delibus obtemperandum esset, sem-
 per obtinuisse, & obtinere Imperato-
 rem. Exinde hanc ego inferebam cō-
 sequentiam: Ergo tibi in hac princi-
 pali controuersia, an penes vos, an ve-

rò penes Pontificios sit Dei Ecclesia, Imperatoris nostri iudicio, & sententiâ standum est; secus non modò rebellis es, & contumax, sed ex propriâ confessione etiam infidelis. Hoc argumentû risu soluit. Et ego subrisi. Habitâ disputatione ex Auditorio egrediuntur colloquuntur Gomarus, & Arminius, cui Gomarus: *Tu protulisti quadam odiosa, quedâ falsa*: sicut ego à tergo, vestigia illorum premens, cum vno, atq; altero VVesaliensibus, ibi Theologiæ operâ dantribus, audiuius. Opiniones suas cunigare, & publico prode re scripto non vult, sed cunctanter agit, ac priùs sibi fauorabilia passim colligit prædicantium vota, quibus coràm, & in secreto illas cōmunicat, & commendat. Videre hominis astutiam, quæ fuit in omnibus Hæresiarchis.

In his verò articulis ipsum à reliquis Calvinistarum turbis dissentire audio, in materia de *libero arbitrio*, de *Prædestinatione*, de *Peccato*, in quibus non nihil ad Catholicorum sententiam accede-

re videtur. Insuper suspectus est sapere aliquid *Samofateni*. Nuper Harlemi repertus fuit nouus, sine Typographi, & Authoris nomine, Catechismus, qui credebatur ex illius pharetrâ prodisse. Sed exitus acta probabit.

C A P. IX.

*De Ecclesiastico sectæ Calvinistica
cultu, ritibus, & cere-
moniis.*

CALuinistarum doctrinam, quæ sit, & quam varia, & discolor, leui bracchio attrigimus, nunc etiam praxin, & religionis cultum, obiter aspicimus, in quo non minus normam eius, quam Protheus faciem suam, immutare, & alii has, alii illas pro arbitrio, & libertate conscientiæ, ceremonias nunc ordōnare, nunc abrogare solent. Verum quidem est, quod antiqui patris Cypriani nomine circumfertur: *Diuersitas ceremoniarum nō tollit unionem Ecclesiæ*. Aiguit tamen
corum

eorum, qui neque in doctrinæ unitate concordant, magnam vanitatem, effrenemq; licentiam. Hæc autem maximè apparet in Sacramentorum, quæ sunt quasi verbum visibile, administratione.

De Administratione Baptismi.

Primò nulla ferè habent baptisteria, vel si qua à Catholicis habent, iis tamen non vtuntur, sed aquali, vel tōforiâ pelui. In Germania Catholicus mostriâ aque immersione, vel aspersione baptizandi referuatur. In Gallia variat, vnamque solum adhibent, non in capitis vertice, sed fronte, vel facie. Imò Aureliæ me semel vidisse meminisse *Molineum* seniore, ibi Ministrum, paulum aquæ in vestē solū infantis, quem baptizaret, inspersisse. Quorum ergo Catholici Calvinistis obiectis, quod negent aliquam Sacramento, vel ipsi baptismatis aquæ vim, & virtutem inesse? Secundum Augustinum tract. 80. in Ioh. *Aquā corpus tangit, & cor abluit*: secundum *Moline-*

um: Aqua vestem tangit, & illam penetrans corpus abluit, & animam Dei promissione, de electione ad vitam æternam, obsignat. In Hollandia, iisq; vicinis locis Minister baptizaturus formulam baptismi à Caluino præscriptam, ex suggestu prælegit, aliusque minister, vel si non adest, ipse descendens, infrà suggestum baptizat, quamuis in Gallia suggestus humilior sit, ut ad illum infantes baptizandi eleuentur: Ratio hæc est: quia *verbum Dei in solo suggestu tractari, & proponi debet.* Hunc modum etiam observant in benedictione Matrimonii. Porro Anglo-Caluiniani etiam *crucis* signum, aliasque cæremonias à Catholicis acceptas, in baptizandi ritu religiosè adhibent.

De cæna Domini celebratione.

Quemadmodum in sacramentorū administratione certa quædam institutionis verba, tanquam Sacramenti forma, adhiberi solita sunt, ut cum baptizatur, dicit Minister: *Abluote in nomi-*

nomine Patris, & Filii, & Spiritus S. etſi
Caluinista linguâ suâ vulgari: Sic et-
iam fieri solet in Sacramento Eucharis-
tiæ, aliis dicentibus: *Accipite, manduca-
te, hoc est corpus meum*; aliis: *panis quem*

noſtris *frangimus communio est corporis Christi.*
et c.

Soli Geneuēſes, qui dum cōmunican-
tibus symbola porrigūt, muti sunt, ni-
hilq; loquuntur, metuentes ne magi-
cō, vt aiunt, murmuratione panis fiat
corpus, & caro Christi.

Geneuæ datur hostia, panis azymus,
& figuræ rotundus; in cæteris omnib.
locis Germaniæ, Galliæ, Angliæ, Bel-
gii, &c. panis fermentatus, vulgaris,
crassius, & in lōgas partes dissect⁹, quas
postea cōmunicantibus frangunt, ad
ultimā vsq; panis quasi nōc indiuidui
particulā, quam, tanq̃ inutilem, seor-
sim ab vsu seponūt. *Debet. n. panis in cœ-
nā frangi.* Basileæ tamen, & Heluetiæ
locis, fractio hæc locum non habet.

In Germaniā & Galliā cōmunicātes
mēnsā circūire solent, vbi obseruandū
quod in Gallia sæpe ſutores, sartores,
aliiq; calones, quos Diaconos consti-
tuunt

SECTAE CALVINISTICAE. III

tuunt, calicē in cōmunionē exhibent. In Anglia verò, & Belgio mentiam non circuire, sed illi assidere solent; cū hac tamen differentiā, quod in Belgii ple- risq; locis strictim etiā duodenari⁹ num- er⁹ cōmunicantium obseruetur, in- ter quos medius Minister Christi per- sonā mimicē repræsētat. Quis verò il- lorum Iudā referat, ignoro. Habet hoc eius rei fundamentum: *Que propius cæ- remonia primā Christi institutionē, & exē- plum accedit, eò purior est & sanctior.* Cur ergo etiā nō de nocte communionem vestrā celebratis? Angli verò Puritani ad viginti vsq;, & plures, longæ admo- dum mensæ turmatim accumbunt, & ex tribus, vel quatuor in eā positīs scu- tellis, panis frustulis repletis, toti- demque scyphis, Sacramentum sui i- pși manibus capiunt, ac histrionicum quoddam conuiuium, sicut in Comœ- diis, & Tragœdiis fieri solet, exprimere vidētur. Apud Anglo-Caluinianos ve- rò neq; circūambulare, neq; etiam ac- cūbere solent, sed contrā minister cir- cumit atq; obābulat, deferens ynicuiq;

Caluus: Iudas

ad sellam, vel sedem suam sacramenti
tum panem, tum vinum; qui mos re-
præsentare debet in Ministro Medi-
cum, qui pharmacum & medicamen-
tum, sicut & potionem, ægrotis, atq;
infirmis solet apportare.

Quod *vasa* attinet, adhibent in nō-
nullis locis magnos scyphos, vt in
Germaniâ, in nonnullis argenteas pa-
teras vel patinas, vt Aureliæ, in Galliis,
in quibusdam vitra, vt Parisiis: in An-
glia à Puritanis vulgaria pocula pro-
pinantur, ab Anglo-Caluinianis verò
calices.

Quod *cantum* attinet, *organa*, *ve-
stes*, &c. ita habet Solos Anglo-Calui-
nianos matutinas, & vespèras quotidie
more, & melodiâ Catholicorū, sicut &
Lutheranorum Noribergensium, &c.
(quanquam hos latinâ, illos vulgari
linguâ Anglicâ) canere: itemque or-
ganorum pulsū, & vocali Musicâ sym-
phonicè, satisque dulciter intersona-
re, cæteros omnes nunquam canere,
nisi aliquem fortè psalmum, ante, &
post concionem; & quidem Hugo-
nottas

SECTAE CALVINISTICAE. II3

nottas ordine à psalmo primo ad secundum, à secundo ad tertium, & ultimum vsque, denuòque primum repetere, siue cantio illa concioni, loco, & tempori congruat, siue non; Organa item & figuralem Musicam non adhibere, paucis in locis Belgii exceptis, ubi tamen ferè organa accommodant Mercatorum congregationibus, circa meridiem, & vespem, quando in templis (tanquam *Bursis*) de suis tractat, mercaturæ negotiis, & commerciis. Male hoc habuit Doctorem Pezelium, Bremæ Prædicantem, ideoq; author fuit eius loci Senatui, ut organa ex templis auferrentur, & in aliquo locum fori, ubi ciues conueniant, ponerentur. *Festes* sacras vel religiosas in diuino cultu nullas adhibeat: *Sanctorum festa* nulla celebrant, exceptis tamen Anglo-Caluidanis. *Ieiunia* apud omnes nulla, nisi foriàn apud ministros Geneuenses, qui diem Iouis pisculentum fecerunt, quia *propter vicinum lacum*, Lemanium, piscib. abundant: diem autem veneris carniū.

H vsui

vsui destinarent, *propter libertatem conscientia*. Quod vero diebus veneris, totoq; Quadragesimæ tempore Angli carnibus abstineant, non mere ut ieiunium appellari ieiunium, quia non sicut apud Catholicos, *religionis*, sed *æconomice* causâ apud ipsos ieiunatur.

C A P. X.

De sectæ Calvinisticæ decremento, atq; interitu; deq; eius statu in Calv.

Certe sicut omnis heretis habet suâ nationem, adolescentiam, atq; ætatē itatam: ita eam tandem et senectus cōsequitur, & mors ipsi. Quoniam itaque Calvinisticæ sectæ hactenus ortum, progressumque omnium oculis exposuimus; ita nunc quoq; de eius decremento, atq; interitu aliquid venit dicendum, vel potius diuinandum.

Calvinus ipse, vel ingenii sagacitate, vel sollicitus sui revelatione regni sui ruinam, & dissolutionem post paucilli temporis deluxum, futurâ prævidit, & prædixit, in præfatione Catechismi Geneuenſis, quem ad ministros suos in

Frifia

SECTÆ CALVINISTICÆ. IIJ

Frisia Orientali, misit. *De posteritate*, ait, *ego sic sum anxius, ut tamen vix cogitare audeam: nisi enim mirabiliter Deus è cælo succurrerit, videre mihi videor extremam barbariem impendere orbi, atque utina non paulò res sentiant filii nostri* *fuisse hoc verum potius vaticinium, quam coniecturam.* 1703, cum non paucis aliis, Calvini hactenus filius, tandem reuerà sensi patris sui se hoc *etiam potius vaticinium, quam coniecturam* videoque indubitatam eius impletionem, ac felices quotidie successus, atque euentus paululum illustrabo.

A Galliâ exordior, in quâ, quemadmodum hæresis illa à Gallo omnium primò incepit, ita etiam in eadem (claro *Augustanæ Confessionis* exemplo, quæ ubi nata est, omniumque primò in lucem edita, ibidem primò omnium articulatum moritur, & sepelitur) omnium primò, Deo fauente, desinet. Vnde verò spes illa nobis appareat, augurium nostrum indicabimus.

Laudabile, & prudens est consilium

quo HENRICVS IV. Dei gratiâ,
 Christianissimus Gallia, & Nauarræ
 Rex, qui meritò insigniatur hoc elo-
 gio: MILES PACIFICVS, excogitauit
 egregia extirpandæ apud se hæreseos
 media, & quidem talia, quæ populum
 vniuersum non modò non offendunt,
 sed etiam in timorem, & amorem re-
 gis sui conuertunt. *Primò* sanxit omni-
 bus in nobilissimo suo regnò, pro tem-
 pore, religionis immunitatem, pote-
 statemque fecit ad diuinum eius cul-
 tum, suo loco, palàm & securè conue-
 niendi: quo pacto publica totius re-
 gni, ac in eo Catholica Ecclesiæ, pax
 alitur, & Patria salus conseruatur. *De-
 inde* Hugonottæ Hæretici faciliùs de
 facie ad faciem cognoscuntur, ex no-
 mine, ex familiâ, ex officio, ex opificio,
 exque omnibus ipsorum machinationi-
 bus, & consiliis. *Tertiò* hinc etiam
 fit, vt tantò illustrior omnibus appa-
 reat, vtrorumque, & Catholicorum,
 & Hæreticorum, in fide, & vitâ, in do-
 ctrinâ, & motibus, discrepantia: ac
 in primis quanta sit Hugonottarum
 circa

1.
 Non omnis
 regno, non
 omnibus o-
 mnia quan-
 drant.

3

SECTÆ CALVINISTICÆ. 117

circa religionis cultum, profanitas, absque omni reuerētia, mundicie, cæremoniis, sine omni ordine, & lege, innotescit. *Quartò*, ne hæreticus Catholicum, æger, & contagiosus sanum, atque firmum mutuâ consuetudine clâ inficeret pestilentiali apostasias vitio, foris, & eminùs extra urbem, milliari vno, vel duobus permissus est Hugonottis congregationis, & conuenticuli locus; sicut prouidâ Magistratus curâ, in rebus publ. benè cōstitutis, foris semper, & longè ab vrbe positum, leprosis, aliisque pēste, & contagiosâ quâdam lue affectis, ordinatum fuit domicilium. *Quintò*: Hac etiam ratione Rex Christianissimus Hugonottarum vires, & potentiam, atque adeò illos ipsos in numero habet, eoque facilius turbas Ecclesiæ dantibus, vel seditionem in regno excitantibus obuiam ire, frenumque rebellantibus iniicere potest. Ac *Vltimò* cum tantâ prudentiâ iure connumeretur etiam Regia iustitia, quâ stante Religionis libertate, & vtrisque, Catholicis &

Hæreticis, fidei immunitate concessâ, cauetur, ne alter alterius inuolet, & interuertat possessiones, sed suas, & à maioribus acceptas quisque teneat & fartas tectas conseruet. Quo edicto Hugonotta propria sibi fabricant foris templa, instar horreorum, quæ ad leuem ventum ruinam nutant, ex lutho, & viminibus, superimposito graui tecto, constructa, absque omni formâ, vel ornatu; paucis iis locis, & oppidis exceptis; quæ iam antè, Catholicis expulsi, inuasunt.

Hugonottarum verò conuentus, & cœnabula in vniuersâ Galliâ, Regno amplissimo, si quis curiosè nosse expectat, sciat pium non esse, quam sexcenta, quadraginta quatuor, licet eorum numerum, ex singulis eius prouinciis certum, & exploratum habeo: quarum vnaquæque totidem, & plura habet templa, ædesq; S. Catholicæ Ecclesiæ sacras.

Et quid non de Galliâ mihi polliceretur in ruinam Hæreseos? in quâ tot numerantur Ecclesiæ Catholicæ præfules,

SECTÆ CALVINISTICÆ. 19

sules, & sacerdotes, quatuordecim.
 Archiepiscopi: Centum & septem E-
 piscopi: Quatuor & quadraginta Ab-
 bates: Priorum numerus mihi non est
 certus: Vides repotes ille, & qua- 27400.
 dringenti Parochi. Deinde cum quæ flo-
 rent tredecim Academiae omnes Ca-
 tholicæ, præter eas, quæ vel vetustate
 collapsæ, aut in ruinam sunt, vt Lugdu-
 nenſis, & Montisquæmercib. poti-
 us quàm Literis hæcenus floruerunt, vel
 nouæ à nouo temeris eriguntur, vt Fle-
 xiana, & Arvernensis in Prouinciâ. Aue-
 nionensis verò quæ Papæ est, & Dolana
 in Burgundiâ quæ Catholici Regis, ex-
 tra regnum computantur. Hugonot-
 tæ nunc habent Vniuersitatem, sed
 quatuor solî in vniuerso Regno Col-
 legia, vel Gymnasia: Vnum Montis-
 Pelluli vbi Catholicorum Academiae
 adiuncti sunt: secundum Nemausi:
 tertium Montis-Albani: & quartum
 Salmurii.

Huc etiam fecere videtur, quod ho-
 na pars Gallicæ Nobilitatis, viri illu-
 stres, & Christianissimo Regi ac cõsiliis

qui vt olim bellicam suam virtutem militiæ satis testatam fecerunt, nunc in hoc tranquillo pacis statu, literarũ, & doctrinæ laudes sibi captant, viriq; politici, vel laici Hugonottarum ministros, homines laicos admodũ gloriose refutant, & non enſe, ſed calamo vincunt, occidunt, ſepeliunt.

*Regis ad
exemplum
tatis com-
ponitur or-
bis.*

Quid verò mihi non promittam de Chriſtianiffimi Regis filiis, inprimis natu maximo, LVDOVICO XIII. Delphinatus principe, & Regni hærede, octo nunc annos nato, qui à Societatis IESV patribus, S. Ludouici Galliarum Regis præceptis, & regulis, ad ſanctam & Catholicam eius vitam, fideliffimè inſtruitur, & ex vberibus maternis pietatem, & fidem Catholicam cum lacte imbibit.

Taceo hîc patris HENRICI Regis Chriſtianiffimi pietatem, & affectum erga Societatem IESV, cui nunc paſſim ædificia exſtruit, Academias erigit, ſuamq; Regiam domum (à la fleſche) Flexiam, prope Salmurium, Hæreticorum nidum, dono dedit, & Aca-
demi-

micis priuilegiis dotauit. Rupellæ verò, vnici Hugonottarum asyli, & contra Catholicos munitissimæ Rupis, ciuitatis maritimæ, Hæreticis plenæ, ante biennium dictis patribus concionandi potestatem fecit.

Ac vltimo loco his adiici posset eorum Catalogus, qui breui temporis spacio ex Hugonottis, eorumque ministris, vel prædicantibus, ad Ecclesiam reuersi, & conuersi sunt, nisi nimium foret prolixus. Auenione vbi S. officii, vel Inquisitionis domus est, intellexi circa trēcentos & plures quotannis sponte suâ ad Matris Ecclesiæ gremium redire. Deus omnibus errantibus hanc inspiret gratiam, propter nominis sui gloriam, Ecclesiæ ædificationem, ac errantium perpetuam salutem.

C A P. XI.

*De sectæ Calvinisticæ statu in magna
Britannia.*

QUod Calvinianæ sectæ in Angliâ
statum attinet, ille ita compara-
H 5 rus

tus est, vt vel admodum longo tempore durare possit, vel etiam subito & repente mutari, propter Catholicū ibidē in perpetuā Episcoporum suorum serie, legitimāq; pastorū successionē, ab Ecclesia acceptā, ordinem, ob cuius honorem Anglos Calvinistas mitiore vocabulo, non hæreticos, vt qui absque omni ordine, & legibus, instar planetarum, errant, & vagantur, vel instar locustarum, quæ sine capite sunt, & Rege, & modo huc, modo isthuc saltū faciūt: Germanicè *Schismatiker* nunc vno *Not. anglicæ*, sed schismaticos appellare solemus. Qui quantum in doctrinā etiam, & cæremoniis, à cæteris Calvinistarum indiuiduis vagis distent, suo loco, suprà tetigimus.

Serenissimus Magnæ Britannię Rex IACOBVS hoc nomine primus, in regia sui inauguratione, publicā ad subditos suos oratione, in quā valde conqueritur de Puritanorum importunitate, & quam sibi exhibent, molestiā, libentianimo professus est: Romanā Ecclesiā Matrem esse, & semper fuisse
omni-

SECTAE CALVINISTICAE. 173

omnium Ecclesiarum, sed, ut a præceptoribus suis edoctus est, illam nunc tanquam vetulam rugas contraxisse, & instar delirantis anus errare: ideoq; in regni sui Ecclesiâ, meritò reformationem aliq; in priori ordinis Ecclesiastici statu, graui cõsilio instituisse, & institutâ deinceps defendere & propagare. Duos in hanc rē perniciosos edidit diuersis temporibus libros Gulhelmus Perkinsius Anglicus, alterum, cui titulum fecit Catholicum reformatum: alterum quo demonstrare nititur innouata Ecclesiæ Romanæ modernæ dogmata, primitiua incognita: sed vtrumq; putidum, falsū, & fictitiū.

Quæ vana persuasio si Regis animo eximi posset, Principis non modò eruditissimi, sed etiam pacis studiosissimi, summâ omnibus Catholicis de tanto Rege, tamq; literato, spem facerem, qui cum antiquis aliquot Angliæ Regibus, non solum sapientissimis, sed etiam in diuorum ordinem adscriptis, sanctissimis, certare, & priscum titulum optimo iure repetere & usurpare possit:

possit: DEFENSOR FIDEI; qui titulus etiam syntaxi grammaticâ haud satis bene congruebat Fœminæ, ut meritò fatalis fuerit Regno, & in eo Ecclesiæ, ille dies, quo patriis statutis, Mulier in viros cæpit exercere imperium. Intercæ bonam causam non parum promouebit mutua subditorum dissensio, quæ est inter eos, quos Puritanos vocant, & illos, qui Catholicorum ritus & caremonias, & pleraque alia, piè & reuerenter obseruant.

Bellum

Hæreticorū

pax est Ec-
clesiæ. Hist.

l. 7. de
Trinit.

Scoti etiam Anglorum Ecclesiasticum ordinem, & Episcoporum, aliorumque Præpositorum prælaturam, admittere nolunt, seseque omni vi, & potius armis, quam argumentis, Anglis opponunt. Famâ accepi ex nobilissimo Domino Alexādro de Salis, iam recens ex Anglia in Rhætiam domum reuolante, (quem honoris causa nomino, tum propter familiæ splendorem, tum propter felicem eius ex Hæresi Calvinianâ ad Catholicæ Ecclesiæ gremium conuersionem, in itinere Paderbornæ hæresi eiuratâ,

SECTÆ CALVINISTICÆ. 125

24. Iulii, anno 609. ætatis suæ 40.) Andream Miluinum, primarium in Academia S. Andreana apud Scotos, Calvinianæ Theologiæ Professore, ob Satyrica in Anglorum Episcopos edita carmina, Lōdini in carcerem & vincula coniectum.

Caterum quæ sit in Anglia Caluini autoritas, dicam. Anno 1608. Mense Iulio, in publicis comitiis, ut vocant, quæ quotannis semel in florentissimi istius regni Academiis, quibus nescio an in toto terrarum orbe possint esse antiquiores, & Collegiorum numero, amplitudine, & structuræ magnificentia præstantiores, habentur, ac tum sollemnis in omnibus facultatibus promotio celebratur, quæ res ibi maximè visu digna est: Oxoniæ, Doctor Olandus, Theologus, & Promotor tū designatus, hoc de Caluino iudicium testimoniumq; ex altâ cathedrâ, in mille hominum præsentia, proferebat: *Calvinus vir fuit doctus, sed non scripsit in omnibus Catholicè: item paulo post: Caluini sententia de Deo peccati auctore*

*Cal. l. i. inst.
c. 18. §. Ter-
neque giversando*

itaq; effu-
gitur: Dei
voluntatem
permissis
etiam
voluntate
hoc fieri.

neq; defendi, neque excusari potest: quia il-
le aperte Catholicorum nullam permissionē
deridet: & efficacis Dei voluntatis cum
peccato concursum introducit.

Deinde Puritani i. e. puri Caluini-
stæ a duab. eius regni Academiis pro-
scripti sunt, Oxoniæ, & Cantabrigiæ,
vt concionando vestigium ibi ponere
non ausint. Neq; ab exteris ignorari
debet, Anglos q. Philosophiæ & The-
ologiæ aliquo graduali testimonio or-
nati sunt, (vocantur ibi *Socii*, sicut in
Germania, Heidelbergæ, *Sapientistæ*
veterani, vel Marpurgi *Maiores*, in col-
legiis honesto præter victum tota sua
vita ali stipendio, sed more Catholi-
corum, calibem & monasticam viue-
re in iis vitam. Si quis tamen vxorem
ducere velit, illum leges collegio ex-
cedere, & quib. fruebatur commodis
priuari iubent, sicut Monasteriorum
ordo ubique postulat. Quoties et-
iamitur ad publicas lectiones, & dis-
putationes, non solum Professores,
sed etiam ad gradum aliquem eruditi-
onis promoti studiosi incedunt toga-
ti, ge-

SECTAE CALVINISTICAE. 127

ti, gestantes pileos Catholicorum, more quadratos, & crucigeros. Ipsa verò candidatorum promotio, vel potius benedictio, non sicut apud Calvinistas in Germania in Brabeutorio, vel Lectionum Auditorio, sed in templo, cum diuini nominis inuocatione, fieri solet.

Sanè multa obseruavi in Anglia, non modò Ecclesiæ Catholicæ nobiscum vestigia, sed etiam alicuius pietatis documenta, ut inter ceteros illos taceam, qui quotidie ibidem, & foris peregrinando ad fidem Catholicam conuertuntur, quorū, ut & cæterorum omnium, salutem Deo precibus nostris seriò & fraternè commendare debemus.

C A P. XII.

De statu sectæ Calvinisticæ in Germania, superiore, & inferiore.

Sed quid de Germaniâ nostrâ diuinem, quam Turcarum Tyrannus appellasse fertur: *Belluam multorū capitū*? Et in qua sectam Calvinisticā lento temporis progressu magis magisque non

non modo nutriri, sed etiam augeri videmus, Lutheranis contra de die in diem, numero decreſcentibus, & in fumos abeuntibus, de quibus Calvinistæ iubilando triumphant. Verùm enimverò sicut Lutherani Calvinistas origine antecedunt, ita etiam priùs, & in horum conspectu palàm evanescunt, ut meliorem tibi sortem, prædecessorum à quibus defecerunt, exemplo, polliceri non debeant, cum longè peiorem adhuc causam tucantur. Quare si verum est, quod nos veritas ipsa docuit: *Omne regnum quod contra se diviſum est, desolabitur*, magnam Catholici spem, concipiant ex multis Calvinistarum nostrorum dissensionibus, & rerum omnium confusione, Babylonicam illorum Turrim, brevis, auxiliante Domino, destructum iri. Et sicut omnis hæresis facti ex exemplorum inductione, per mille & quingentos annos, certam habuit & limitatam ætatem, vitæ principium, & finem: ita nulla est, quæ præscriptos durationis terminos excedere potuit, sed iam

matu-

Matth. 12.

matura, & putrefactioni vicina, spōte, & vitio suo corrui. Et cum nullus sit inter nostros Calvinistas ordo, nulla statuta, & leges, nullus Magistratus, nulli prælati, & priores, sed omnes, vt ipsi aiunt, pares, æquales, liberi, existimandum est, quod ne quidem cum Lutheranis centesimum annum sint expleturi, etsi sibi nunc maximè flores videantur.

Et quomodo Caluini causa nō periclitaretur apud illos, qui eius patrocinium, & Magisterium nunc prorsus abiecerunt, noluntque amplius illum authorem authenticum, fidei q; præceptorem sequi; imò apertè prudentiores, & acutiores in Calvinisticis Academiis professores ipsum lancinare, passimque castigare non verentur: an hoc fiat insitâ quadam contendendi libidine, an vero quod subodorati sunt ipsius Euangelia, & Epistolas non ad anulum respondere veritati, nescio: vtrum dicatur, per me licet. Multò magis desperata est Caluini causa apud Piscatorianos in Nassoua,

& Arminianos in Hollandia, qui Calvinum palam oppugnant, & sibi nihil cum ipso negocij esse asserunt. Diuinate prudentes, quonam res vergat. Certè Belgij pars illa, quæ à Catholicorum corpore resecta est, hospitium est, & receptaculum omnium profugorum, & hæreticorum propugnaculum, in quo omnibus, Lutheranis, Calvinistis, Mennonistis, infinitisque Anabaptistarum sectis, Libertinis, Iudæis Lusitanis, &c. summa est data licentia, & libertas dicendi, & docendi, interdicto solis Catholicis clam & palam diuini cultus exercitio.

Non esset ab hoc loco alienum, desperatam Guilhelmi Whitakeri, suo seculo Calvinistarum doctissimi, Cantabrigiæ Professoris, responsionem, ad Catholicorum obiectionem, *de mutuis Calvinistarum dissidiis*, coronidis loco adiiungere. Etenim obiectum crimen diluit, non negando, sed excusando, al-

*Controv. 2.
de Eccl. 5.
cap. 8.*

latis solum istarum dissensionum causis, quarum primam dicit esse Satanæ malitiam; secundam, Philautiam etiã

inter

inter bonos, quæ ex reliquiis carnis superest; tertiam, illorū ignorantiam, q̄ Spiritus S. non æquali mensurâ datur & accipiat ab omnibus. His expositis dissensionū causis, se suosq; rixantes excusat similibus, vt ait, contētionum exemplis: Petri & Pauli, Pauli & Barnabæ, Augustini & Hieronymi, Cyrilli & Theodoretī, &c. de quibus solum legitur in Traditionibus Calvinianis: in scripturis, & Patribus hac de re nihil.

Æquè desperatè respondet ad omnes, quas Bellarminus assignat Ecclesiæ, notas. *Antiquitatem* ita eludit, quia *Ibid. cap. 3.* Christi Ecclesia suo & suorum Apostolorū tempore non fuit antiqua, sed noua: cum disputatio sit inter Catholicos & Hæreticos, de Ecclesia, quæ est hoc nostro tempore, quam annos mille & ferè sexcentos antiquam esse oportet. *Successionis* perpetuæ Episcoporum argumento concedit etiam veteres Patres vsos, at, inquit, *Ibid. cap. 6.* non in pugna, & bello, sed post pugnam, & victoriam in triumpho: postea videns

se nihil dixisse, à concessio suo resilit, & ut hanc etiam notam effugiat, in suis, quæ contra adfert, argumentis probare conatur, etiâ Hæreticis, & Schismaticis hanc notâ esse communem,

Ibid. cap. 12. non Ecclesiæ propriam. *Miracula* non vult esse notam Ecclesiæ, quod etiam

Ibid. cap. 13. respondet de *Lumine prophetico*, sapè quoque Ethnicos & Pseudopphetas fuisse verè vaticinatos. *Sanctitatem*

Ibid. cap. 11. ab Ecclesiæ notis ex terminat, quia soli Deo, non hominibus illa apparet; ac

Matth. 5. si dictum non esset: *sic luceat lux vestra coram hominibus, ut videant opera vestra bona.* Pudet prolequi cetera. Doctor Copernicus Heidelbergæ Professor, dissimulatè eruditus, & vulgo oculator, fatetur locum illum Apocal. 1. *Gratia vobis, & pax ab eo qui est, qui erat, & qui venturus est, & à septem spiritibus, qui in conspectu throni eius sunt:* esse nodum Gordianum ac insolubilem. Si enim sancti veniunt cum Deo in communionem distributionis cœlestium gratiarum, cur non etiam ora-

tionis

tionis & precum? A quo enim aliquis, boni aliquid accipit, ab illo istud rectè, & pie petere potest. Plura ex priuatis eius collegiis dicta foris eliminare possem. Sic etiam doctissimi excutunt, quoties solis radios expugnare volunt.

Anno 1607. Pareus publicam habuit disputationem ex priore ad Corinthios epistolâ, ac circa initiû thesi 1. assererat: *tollenda esse ex Ecclesiâ omnia* Fortassis *schismaticorum nomina, Lutheri, Caluini,* solum ex- *&c.* censurâ gra- Copenniuso pponens contēdebat tia. omnino esse retinenda, propter sui à Lutheranis distinctionem, ne si comuni appellentur nomine, populus in errorem inducatur. Respondit Pareus: omnino distinctionis gratiâ, nomina certa adhibenda, sed non schismatica: ac proinde sicut Lutherani sese in possessionem intruserunt nominis *Euangelici*, similiter nobis faciendum. Sed tamē hætenus nullum satis commodū inuenire potuerunt. Nam nomen illud *Apostolici* alij olim Hæretici sibi vsurparunt, de quibus

August. lib. de Hæres. cap. 40. Author ego illis essem, vt sicut Lutherani, qui prius apparuerunt, se vocitant ab Euangelis Euangelicos, ita Caluinistæ qui illis posteriores sunt, se nomenclant ab Epistolis Epistolicos; quemadmodum etiam in codice Biblico Euangelia sequuntur Epistolæ.

Interea obseruetur quod Caluum *Caluini* nomen omnibus sordescat, ac plerisque etiam calua eius doctrina non amplius ex voto placeat: sed Caluinistarum quisque sicut Ecclesiam Romanam hætenus, ita nunc Caluinismum ipsum polire & reformare annitatur. In summa vt rem totam concludam, vnico dicam verbo quod hætenus volui: DESPERATA EST CALVINI CAUSA, quæ in posterum etiam in sui Imperij cameris, & Academicis Parliamentis inter suos assessores, & assessores nullum inuenit Procuratorem, vel Aduocatum, qui eius patrocinium suscipere velit. Deus interea suam sibi seruet, & ampliet Ecclesiam, errantes in viam reducat, cæcos illuminet, improbos

bos emēdet, fideles cōfirmet, pios saluet: vt omnes, & singuli in vnā scholā terrestri, ab vno fidei Magistro edocti, ad altiorē pariter vniuersā Academiā ecclestē ascendamus, & ex hac Ecclesiā militante, ad triumphantem, & perpetuò iubilantem Ecclesiam, sursum ad Christum, à sanctis eius Angelis, euehamur.

EPILOGVS.

BReuē tibi, Benigne Lector, de Secta Caluinistica libellū, rudi, quod aiūt, Minerua cōscripsi, in quo ea ferē omnia cōplexus sum, q̄ vniuersū illius statū concernere possint, quæq; etiam meo iudicio oēs & vniuersos officij sui commonere, Catholicos confirmare, Hæreticos conuertere, & ad Ecclesiæ Catholicę, fideiū Matris gremiū, meritò reuocare debeāt. Pro colōphone & clausula paucis etiā Lectori beatæ meæ cōuersionis occasionē, & causas, q̄ me etiā satis diu initio reluctantē diuinæ illuminationi cōpulerūt ex Caluinistica Synagoga ad Catholicā Ecclesiā; ex regno Satanæ, & tenebrarū,

in regnum Christi & lucis transfugere, indigitabo: vt iisdem vel alios, prioris scholæ socios, errantes in viam reuocem, & ægrotantes simili pharmaco sanitati, animæq; valetudini restituam; vel denique me ab omnibus obtrektorum calumniis, & mendaciis honestè vindicem.

Principio natus sum & educatus à teneris meis vnguiculis ad ætatem vsque maturam, qua iam Reipub. Vefalienti meâ opellâ interuire debebam, in Calvinianâ Hæresi. Puer scholam Patriam, quæ est Cliuo-Vesaliæ, frequentavi, & ex primis iam elementis eluctatus sub Rectore eius scholæ Iohanne Brantio, Amplissimi Senatus Vefalientis sumptibus, & liberali salario, foras ad altiora studia, & lectiones publicas ablegor, primò Herbornam Nassouiorum, vbi annos duos cum dimidio Philosophiæ cursum absolui, & primordia Theologiæ præceptore Iohanne Piscatore, eius ibi Professore, addidici. Inde mittor Heidelbergam in Palatinatu, vbi post trimestre
ab ad-

SECTAE CALVINISTICAE. 137

ab aduentu meo spacium, summos in
Philosophiæ honores consecutus, an-
no 1604. die 16. Febr. captū Herber-
næ in Theologia studium quatuor an-
nos, sub eius Academiæ Professorum,
ac maximè Doctorem, Parei, & Co-
pennij, auspiciis, ductuq; continuavi.
Hoc mihi elapso in altioribus scholis
circiter septennio, vnicū adhuc pere-
grinandi per Galliam, Angliam, Bel-
gium, &c. annum gratiosè indulget,
suisque munificis impensis permittit,
semper omni honore, & debita animi
submissione colendus, dictus SEN A-
TUS VESALIENSIS.

Reuerenter itaque omnibus meis
Heidelbergæ Fautoribus, Professori-
bus, & amicis valedicens, & inprimis
Doctori Pareo, qui me abiturientem
ad conuiuium inuitare, & honorifico
manus suæ symbolo ornare nō est de-
dignatus, Christo duce, & sanctis eius
Angelis comitibus, anno 1607. men-
se Iulio, Lutetiam Parisiorum conten-
do, & paucis post mēsis Aureliam,
vbi cum Generosæ familiæ Nobili

MELCHIORE à Rechenberg, Silesio, Domino meo semper honorando, hyberna, sedemque fixi. Ibi mihi, nesciebam quo fato, à quodam Studio Argentinensi, Lutherano, libellus Concilij Tridentini affertur Gallico idiomate impressus, quem professioni, & studio meo Theologico, vt aiebat, vtilem iudicet. Ego subridens librum inspicio, & propter styli gallici elegantiam accepto: interim doctrinæ textu, sessionibus, Canonibus, omnibusque articulis præteritis, solas lego præfationes, Legatorum orationes, Patrumque congregatorum preces, singulis sessionibus præmissas; quibus deuotè à me lectis, & recitatis ita perturbor, animoque consternor, vt non solum inexplicabilis per multos dies Melancholia me prorsus ad omnia præpeditum teneat, sed etiam mihi noctu somnus & interdiu comedendi appetitus faceffat. Etenim diligenter mecum preces illas animo reuoluenti,

uenti, ex concessis nostræ Theologię principiis occurrunt: *primò* quod Calvinus fidei nostræ Magister, Ecclesięque Reformator gratis agnoscat; Ecclesiam Rōmanam olim, antequam à doctrinæ suę puritate defecisset, veram Dei Ecclesiam, imò ceterarum omnium particularium Matrem fuisse. *Secundo*, quod idem Calvinus eandem adhuc in Ecclesia Rōmana quæ hodie est, pastorum, Episcoporumque, si non in doctrinā, tamen in officio successionem, ab antiquis temporibus derivatam fateatur, legitimamque pascendi gregis, modo orthodoxè docere velit, obtinere potestatem. *Tertiò*, Reuoco mihi in memoriam DEI promissiones, precibus communiter factas: *Inuoca me in die, &c. & te eruam.* Psal. 49. *Petite, & dabitur vobis: querite, & inuenietis; pulsate, & aperietur vobis: Si vos cum sitis mali nostis bona data dare filiis vestris, quantò magis Pater vester*

Lib. 4. Inst.
c. 7. §. 24.

Hac successione maxime gloriantur Angli: & VI. iterum hac ratione probat Lutherū fuisse ordinatum Pastorem ac legitimum, quod in Ecclesia Rōmana sit ordinatus. Cont. 2. de Ecclesi. c. 5. cap. 6.

vester qui in cælis est, dabit bona petentibus se, Matth. 7. Quarta meditor promissiones peculiariter Ecclesiæ, & sanctis congregationibus factas: *Ego vobiscum sum usque ad consummationem seculi, Matth. 28. Ego rogabo Patrem, & alium Paracletum dabit vobis, ut maneat vobiscum in æternum, Spiritum veritatis; quæ verba non de solis Apostolis, sed etiam omnibus ipsorū successoribus intelligenda concludit ista æternitas, & mansionis ad consummationem seculi perpetuitas. Vbi duo vel tres congregati fuerint in nomine meo, ero in medio ipsorum, Matth. 18. Et summam: Super petram ædificabo Ecclesiam meam, & portæ inferni non præualebunt aduersus eam, Matth. 16.*

* quod expressè sit

Calu. lib. 4.

inst. c. 1. §. 11.

Diaboli arte factum

est, ut pura

verbi præ-

dicatio ali-

quot sæculis

evanuerit.

Et in præf.

ad Gal. Re-

gem.

Iam quod si tempore Imperatoris Phœcæ, vel secundum alios citius, aut tardius, tot sæculis Romana, Ecclesiarum Mater, desiisset esse Ecclesia, præter quā in vniuerso orbe non fuit alia, propter doctrinæ consanguinitatem, certè aliquando portæ Inferorū contra vniuersam Ecclesiam * præualuissent:

sent: Imò nos plerique Germani ante felicem illum diem, quo surrexit Lutherus, nondum annis centum, Christiani, & Catholici nō fuissēmus. Execrabilis Infania. Neq; est similis ratio particularis alicuius dogmatis, vel sententiæ; & ipsius Ecclesiæ veritas: Illa ad tempus, alicubi, & à quibusdam hominibus vel ignorari & regi potest, vel etiam à mendacibus suppressi; de qua loquuntur sæpe patres: quod veritas tandem emergat, temporis sit filia, quod contrā mendacia pereant & evanescant: Item tandem bona causa triumphat, & quæ sunt id genus alia. Sed Ecclesiæ Catholicæ veritas perpetua est, quæ nunquam ignorari, nunquam Hæreticorum tenebris regi vel obscurari, multò minus illorū machinationibus & mendaciis suppressi, & deleri potest. Quæ de re exstant alia SS. Patrum testimonia. S. Cyprian. lib. de Vnit. Eccl. *Ecclesia*, inquit, *Domini luce persusa, radios suos per orbem terrarum spargit.* S. Chryl. hom. 4. in c. 6. Esa. *Facilius est, inquit, solem*

solem extingui, quam Ecclesiam obscurari.
 S. Augustinus lib. 3. cont. epistol. Parmeniani cap. 3. *Ecclesia quæ supra montem, ut dictum est, constituta, abscondi non potest.* Et Tract. 1. in epistola Iohan. *Nunquid digito ostendimus Ecclesiam, fratres mei? nonne aperta est? Et Tract. 2. Quid amplius dicturus sum, quam cæcos qui tam magnum montem non vident? qui contra lucernam, in candelabro positam oculos claudunt.*

*Lib. 4. Inst.
 c. 2. §. 3.*

Calvinus ipse in Ecclesia Christi hæc duas notas agnoscit; *visibilitatem, & perpetuitatem*; sed hanc ita accipit, quasi Deus semper ex vnius ruinâ, & corruptione generet, ædificetque sibi aliam, atque aliam, quam ad tempus conseruet, iterumque illi propter ingritudinem, populique peccata, lucem nuper accensam subtrahat, deque vno populo ad alium perpetuâ quadam vicissitudine transcurset; atque adeò instar lunæ, modò plena & illustris appareat, modò obscura sit, & prorsus inuisibilis. Hæc sunt deliria & phantasie hominum.

fana-

fanaticorum, qui *vertiginis spiritu* agitantur. Scio Sanctos Patres Ecclesiam aliquando Lunæ comparasse, quod in particularibus aggregatis cœtibus aliis atque aliis temporibus crescere & decrescere, aliis atque aliis locis modò minui, modò augeri visa sit, sed nunquam eò similitudinem deduxisse, ut ostenderent Ecclesiam Catholicam instar noui lunij, ad tempus breue vel longum, esse absconditam, & inuisibilem. *Simile etiam est dissimile, Et simile non currit quatuor pedibus*, in scholis Philosophi loquuntur. Sapiens etiam stultum comparat cum luna.

Quintò, Etsi infallibilis est Dei promissionum veritas, tamen quia exemplis, & experienciâ constat precantes non semper exaudiri, cum vel terrena petunt, vel non necessaria, vel statui, & vocationi non accommoda, propiùs accedebam ad Precationum Sancti Concilij meditationem, inque illis hæc obseruabam singula: primò, quod vnanimi
omnes

*Quos po-
fuit Spiri-
tus S. Epi-
scopos regere
Ecclēsiā
Des, Act. 1.
20.*

omnes ore, & spiritu, votisque Deum
orarent veritatem cœlestem, non ali-
quod bonum terrenum, corporis, vel
fortunæ, secundò rem pro ratione
turbulenti temporis maximè necessa-
riam, tertio ad statum suum, gregisq;
pascendi munus, vnicè pertinentem:
idq; ad diuini nominis gloriam, Chri-
stianæ Ecclesiæ pacem, & ædificatio-
nē, & deniq; omnium turbarum, schis-
matum, hæresiumq; extirpationem.

Sextò perspiciebam summam in tot
patribus, ex præcipuis orbis terrarum
plagis; Italia, Germania, Gallia, Hi-
spania, Polonia, Hungaria, Bohemia,
Græcia, &c. nationum diuersissima-
rum, collectis, vniuersæ doctrinæ con-
cordiam, & consensum: & occurre-
bat nostrorū in omnibus fere dogma-
tis dissensio, & perpetua inter ipsos
contendendi libido.

Septimò aliquam faciebam collatio-
nem congregatorum Patrum: Prio-
rum, Abbatum, Episcoporum,
Archiepiscoporum, Patriarcha-
rum, Cardinalium; autoritate, offi-
cio;

officio, & aetate venerandorum, cum nostri ordinis Doctoribus, tribus, vel quatuor homunculis, inter se litigiosis, qui tanto Concilio, vniuersæq; in orbe Christiano Ecclesiae, ita petulanter obstrepant: cum tamen ipsi inter se partes suas componere, & contro- uersias tollere nec possint, nec velint.

His bene ruminatis, atq; expensis, animi dubius ac perplexus quasi in bi- uio hærebam, ac tātus me angebat pa- uor, viso manifesti in, nostris erroris periculo, ut totus mundus, immensa il- la machina, angusti mihi occurreret instar anguli, in quo neq; lux, neq; te- nebræ; neq; regressus, neq; egressus ap- parebat; in quo neq; solus, neque cum aliis; neq; Calvinianæ doctrinæ pror- sus valedicere, neque Catholicæ ad sti- pulari paratus; illam approbare diuti⁹ non poteram, hanc tamen deinceps se- qui nondum volebam. His cōstitus angustiis, dubiisq; ore per multos di- es, noctesque, cum lacrymis, Diuinā Misericordiam, ut huius animo scrupu- los eximat, meq; inter Scythiam & Cha-

rybdim miserè fluctuantem, deque
ipsius animæ, non aliorum bonorum,
iacturâ periclitantem, leni Spiritus S.
aurâ deducat in portum veritatis, in
quo deinceps perpetua ipsi Epinicia,
& gratiarum laudes decantem, Quid
fit? quò frequentius, ardentiusque
oro, ipsamque veritatem inuestigo,
cò magis confundor, & titubo. Nam
& apud nostros videbam rerum om-
nium nouitatem, confusionem, *αἰσχρο-
χίαν*, in doctrina dissensionem, in cul-
tu, & ritibus monstrosam varietatem,
& denique effrenem agendi & pec-
candi licentiam. Et contrà apud
Pontificios summam omnium in om-
nibus doctrinæ partibus concordiam,
pulchram quandam rerum omnium
harmoniam, ordinem, antiquita-
tem, miracula, quæ passim coram
oculis nostris Deus adhuc hodie in
Ecclesiâ operatur, legitimam Pa-
storum & Episcoporum ordinatio-
nem, & successionem, ab Apostolo-
rum fundatione, ad nostra vsque tem-
pora, sine vllâ interruptione, conti-
nuatam.

Ab

SECTAE CALVINISTICAE. 147

Ab hisce notis in ipsam doctrinam, quasi immensum pelagus, dilabor, in quo magnus auditur contentionum strepitus, & conuiciorum fluctus, adeo ut illud vix tutò, aut breui, enavigare desperem. Compendij gratiâ, reseclis utrobique polemicis argumentis, Doctrinæ nucleum inspicio, an ex illo medium erui possit veritatem inuestigandi, & omnes lites sopiendi. Video Calvinum, omnesque illius assecclas cum Catholicis convenire in hanc sententiam: Ecclesiam Romanam primitivam, primis nempe quingentis post Christum annis, fuisse veram, Catholicam, & Apostolicam Christi Ecclesiam, cæterarumq; omnium particularium, tanquam filiarum, Matrem. Inquiro itaque in illos Catholicos Patres, quos ex antiquis historicis proximè à Christo seculis quingentis in Ecclesia floruisse constat, meisque oculis video omnes illos sanctos Patres, Episcopos, & Martyres, eam non solum literis tradidisse

Sic Calvinus passim, & omnes Calviniste, et suo loco demonstrant.

de crimam quam hodie, ante, & retrò
 seculis mille & sexcentis omnes ubiq;
 Catholici, & eadem Ecclesia professi
 cit; sed etiam nos, & nostros errores,
 in suum temporum Hæreticis, palā
 oppugnasse, & damnaſſe: simulque
 prophetico spiritu de Ecclesia Roma-
 na vaticinatos, illam in æternum neq;
 à puritate doctrinæ deficere, neq; in
 errores descendere poſſe. Hoc examē
 triui (non omnibus omninò patribus;
 aut integris ipſorū voluminibus, quib.
 tota hominis vita non ſufficeret, sed
noſtrorum cum Catholicis ſententiis
 maxime controuerſis, perlectis) rectè
 in terris mentibus, antequam Sanctæ
 Catholice Eccleſiæ, abiurata hæreſi,
 nomen meum profiteri volui. Quod
 factum eſt Auenione, pridie S. Marti-
 tini, anno 1668. ac poſt ridie, ab Ar-
 chiepiſcopo eius loci Iohanne Fran-
 ciſco Gordine, Confirmationis Sacra-
 mento initiatus fui, mutato in *Petri*,
Samuelis nomine.

Armenum meum deinceps hoc ma-
 xime tranquillauit, quod veram nunc
 ſtru-

serutatus etiam causam, cur nostri ita scabiosè de SS. patribus loquantur, ita contumeliosè illos respiciant, & ab omni disputatione remoucant, errorũ, & ignorantie accusent, quos tamen veræ & incorruptæ fidei Magistros aliàs agnoscunt. Vltimò loco comparabam inter se vtriusq; doctrinæ fructus, an Ecclesiæ Pontificiæ par, vel maior esset sanctitas, pietas, reuerentia, honestas, quam ipsius Reformatæ, vt vocant. Vidi in Galliis Calvinistarum, summam in cultu Dei prophanitatẽ, & irreuerentiam, ex tabernis, & cauponariis popinis, pingui sumpto prius ientaculo, in eadem sacram, sine ordine, vno præcunte, & subsequente altero, in ingressu, & egressu, sine hora, alios maturius, alios tardius, cum tamen pauci sint numero, ad concionẽ confluere, inter orandum alios sedere, alios stare, quosdam ex æmulatione Catholicorum aggeniculari, alios capitibus apertis, alios, si paulò intensius frigus est, opertis, ad tam curtas preces. In canendo modo fœminam,

modo virum, vel tonsorem, vel sutorē
intonare, & quādoq; ita demissē, quā-
doq; ita altē, vt de nouo repetendus sit
cationis totus. De illorum impietate,
& vitâ dissolutâ nihil attinet dicere, &
in his exempla odiosâ sunt.

De Germanis malo alterius potius
quam meis loqui verbis, & quidē viri
summâ apud Nouatores autoritate
præditi, ERASMI, qui & res eorum
optimē nouerat, & ab eorum doctrinâ
non omninò abhorreere visus est. Is in
epistola ad *Vulturium*, quam scripsit
anno 1529. *Circumspice*, inquit, *popu-
lum istum Euangelicum, & observa num-
minus illic indulgeatur luxui, libidini, &
pecunia, quam faciunt ii quos detestamini.*
*Profer mihi quem istud Euangelium ex-
commessatore sobrium, ex feroci mansuetum,*
*ex rapaci liberalem, ex maledico benedi-
cum, ex impudico reddidit verecundum.*
*Ego tibi multos ostendam, qui facti sunt se-
ipsis deteriores.* Quod si Erasmus testa-
tur de Reformatis, qui sub initio pro-
mulgati noui Euangelii vixēre, quan-
do recentes scopæ omniū optimē ver-

SECTÆ CALVINISTICÆ. 151
rere, & purgare dicuntur, quale fer-
ret testimonium de Euangelicis mo-
dernis, scopis iam dissolutis, & prorsus
attritis, si Erasmo conscribenda esset
epistola, anno 1609?

Iam factâ collatione ipsorum Mini-
strorum inter se, vt vulgus mittamus,
Reformatorum cum Sacerdotib. Ca-
tholicis, certè ocularis est vtrorumq;
differentia.

Multa garriunt Prædicantes Calui-
niani de precum virtute & necessita-
te, quibus tamen rarissimè vacant, vt
illorum nullus sit, quod sciâ, qui quo-
tidiè illis horas duas, imò vel vnicam
integram destinet, cum tamen Ca-
tholici ipsis tempus satis prolixum,
horis matutinis, & vespertinis, omni
die impendant. Ieiunia nulla Caluini-
ani obseruant, neq; in cibi qualitate, *Est virtus*
neq; quantitate, non loquor de ine- *placito ab*
diâ, sed de solâ lautitiarum abstinētiâ, *stimulato*
bonis.
cum tamen in templis suis admodum
religiosè ieiunia commēdent: Et præ-
sertim illi, qui incolunt Germaniam
inferiorē (vbi mihi optimè noti sunt)

vel

vel singulis, vel alternis diebus, foris
 epulantur, & conuiuantur. Fateor po-
 puli morem esse, Prædicantes indefi-
 nenter ad conuiuia vrgere, quia il-
 la omnium maximè isti exhilarare &
 recreare possunt. Cōtinentiæ ex mul-
 tis millibus vnus deditus non est, qui
 celibem & castam vitam degere velit:
 sponsonem audeo facere cum illis,
 quod ne vnicum prædicantem, per-
 currant omnia sua regna, & principa-
 tus, edere possint ex illorum ordine,
 & medio, qui celebs vitam c'auferit,
 nisi immaturâ morte, in ætatis flore,
 senectuti præreptus. Imò etiam iam
 senes omninò decrepiti & exhausti iu-
 uencas ducunt, & succi plenas, cum
 quibus ad vltimum vitæ spiritum libi-
 dinentur. Alii etiam qui steriles sunt,
 & naturâ prorsus ad matrimonium in-
 epti, tamen vxoribus duabus, sine cō-
 iugali fructu iâ pertritis & sepultis, ter-
 tiam, & quartam, ætate prouectiore
 cani, & incontinentiâ debiles super-
 ducunt. Noui etiam inter Prædican-
 tes, qui quadragesimum ætatis annū

*Turpe se-
 nex miles,
 turpe seni-
 lis amor.*

in vita cælibe compleuerant, statum
coniugalem falsis sæpe verbis deridē-
tes, quòd in eo illis quas deperirent,
potiri non possent, & iam imminente
quingagesimo, raptâ potiùs quam
ductâ vxore, ob contractus celeritatē,
prorsus instar vegetorum iuuenum,
prurire, & lasciuiire, præter naturæ, vel
ætatis consuetudinem, incipiebant.
Mallem equidem in his esse mutus,
quàm ingrata & iniucunda aliorum
auribus insusurrare.

Hæc & aliâ me mouerunt, & per-
mouerunt deserere priora castra, & re-
petere antiquam Dei ciuitatem, Ec-
clesiam pristinam, quæ à foundationis
sux momento, omnibus fuit tempori-
bus, & præter quam nulla fuit vsquam,
vel vnquam; in qua omnes Sancti,
Martyres, & Virgines, nostriq; omnes
maiores, & parentes, aui, abau, atau
tritau; omnesque cuiuscunque or-
dinis, status, & conditionis, præde-
cessores, nobiles, ignobiles, Principes,
subditi piè vixerunt, & beatè in Chri-
sto obdormiuerunt; quibus nunc sit

pax, requies, gaudium, gloria, & omnis
cœlestis Paradisi beatitudo.

Nunc mihi breuiter abstergēdæ sunt
calumniæ, & obtrectationes, quib. me
nonnulli procacioris oris suâ effreni
linguâ, siue clam, siue palam, tradu-
cunt; & tanquam à vera Ecclesia Apo-
statam, & erga omnes meos Patronos
& Mæcenates hætenus nutricios in-
gratum, impostorem, aliorumque bo-
norum adolescētum, vel iuuenum se-
ductorem sugillant; neque enim alia
habent, quæ in me iaculentur impie-
tatis crimina. Primò etenim per Dei
gratiam nullam vel ingratitude ex-
tra hunc meæ conuersionis casum, vel
petulantia, vitæque dissolutæ possunt
mihi inurere maculam, nullum pror-
sus affricare delictum enorme, qui cū
honorificentissimo ab omnibus illis
locis in quibus vixi, testimonio disces-
si, præceptores meos semper summo
honore, & beneuolentiâ prosecutus
sum, & meis quasi oculis tuli. Mæce-
nates verò & Patronos Vesalienses

tantis semper extuli laudibus, & tam impensio debitæ subiectionis affectu colui, vt nemo citra adulationis notam magis possit, quod Amplissimus Senatus ipse non ignorat, quem adhuc discedens Doctori Pareo de meliore notâ ob fidei suæ constantiam, & integritatem, commendauit, illumq; rogauit, vt præstantissimum quem ad manus, operum suorum thesaurum haberet, commentarium in epistolam ad Romanos, Senatus Vesaliensis Amplitudini dedicaret: sicut eius rei mihi testes esse possunt duo nobiles iuuenes-viri, & omnibus virtutibus compti IOHANNES BREMGEN, Reipub. nostræ quondam primarii consulis, & RICHARDVS A RASFELDT eiusdem Reipub. Secretarii meritissimi, Filii.

Nec etiam vlla me melioris conditionis spes à pristino statu auertere potuit, cum honesta & liberalis semper apud Vesalienses mihi parata fuisset.

fuisset, quibus etiamnum vt obstri-
ctus sum atque deuinctus, ita tenuem
meam opellam in fide Catholicâ pro-
mouendâ offero, contectoque. Quis
verò mihi vizio, & crimini veritat,
quod causis non modo grauib, sed
etiam ad salutem vsq; animæ necessa-
riis, diuina aspirante gratiâ, sensim &
deliberato consilio, ob solius VERI-
TATIS amorem, studiumque pieta-
tis, & virtutum, à SECTA CALVINI-
STICA ad S. ECCLESIAM CATHO-
LICAM, eâdem comitante gratiâ con-
cessi, inprimis cum tot illustria viro-
rum sanctissimorum vestigia in eodem
lutho, & erroneis diuerticulis, ad illâ
tritam & regiam viam, secutus sim.
Nam & in eadem tempora, & similes
inciderunt casus sancti aliquot Eccle-
siæ Patres: *Augustinus*, qui in Mani-
chæorum sectâ natus est, & educatus;
verùm errore intellecto ad Rom. Ec-
clesiam sese conuertit, & magnum e-
ius decus, & lumen, factus est: *S. Am-
brosius*, qui Augustinum conuertit, fuit
vel *Valentinianus*, teste Eusebio, vel
Marcio-

Marcionita, authore Hieronymo. *Eusebii Cæsariensis* Arianus fuit: *Busyrides* fuit Eucratita: *Vincentius*, & *Agapetus*, Macedoniani: *Cyprianus*, etli Catholicus, cū Donatibus sentit de rebaptizandis Hæreticis, quem errorem monente, & iubente STEPHANO, Romano Pontifice, vix depofuit: Qui omnes & finguli poſtea obedientiffimi Eccleſiæ Catholicæ filii, imò Patres, & Antifites eius ſanctiffimi euſerunt. Errare certè humanum eſt, in errore perſeuerare, Diabolicum, ab illo reſurgere Chriſtianum eſt & ſalutare. Quam minus illi ſuere Apoſtata, ab hæreticis ſectis ad Catholicam Eccleſiam transmigrantes, non magis & ego ſum illorum veſtigiiſ, tum in hoc facto, tum in ipſorum doctrinà, inſiſtens, odioſo illo nomine traducendus. Valeat ergo & alterum, quo me imperiti bonorum adoleſcentum Seductorem criminantur, qui nullum vnquā, quam diu adhæſi Calviniftis, etiā hominem idiotam, & laicum, licet ſape tentauerim, ſeducere & peruertere potui

potui; nunc autem aliquot non adolescentescerent sed viros, iudicio maturos, & eruditione præstantes conuerti, & mecum ad Ecclesiam Catholicam adduxi.

Hæc sunt Beneuole Lector, quæ te in calce huius tractatuli monere volui, etiam atque etiam, Tuam æquitatem rogans, vt si quid dictum fuit, gratum, grato animo agnoscat, si quid fortè rudius, quandoquidem rei necessitas immitiora aliquando verba extorsit, benigniter ignoscat: qui Deum ter Opt. Max. ex toto precor pectore, vt eò omnia dirigat, quo meus in Calvinianos amor, & affectus, ipsorumque salutis desideria, suspirant; ad laudē gloriosi sui nominis, ad Ecclesię suę propagationē, atq; errantium Reductionē, perpetuamque ipsorum beatitudinem

A M E N.



LAVS DEO,

Et gloria omni operanti bonum.



Beneuole Lector,

Menda quæ irrepperunt, sic emenda:

p. 3. lin. 10. Petrus. & lin. 18. ἀρχιμυλὸν p.
7. lin. ult. pomærius p. 11. l. 15. infert. & l.
24. supplex. p. 20. lin. 15. receptaculum p.
22. l. 9. portæ. p. 24. l. 2. similes. & l. 6. re-
frigescet. p. 32. l. 5. Athanasio l. 7. Macedo-
nianap. 34. l. 16. Nouatianos. lin. 25. illas.
p. 45. l. 22. Transsylvania. p. 46. l. 23. Pro-
phetam p. 53. l. 6. Germanica lingua. & l.
21. descriptam. p. 54. l. 17. sugillasse. & l.
18. quisquis. p. 60. l. 11. Caluiniana. p. 63.
lin. 5. deest lib. 4. p. 64. lin. 11. post planè
deest ad. p. 65. l. 10. potuerit. p. 68. l. 17. princi-
palis. p. 85. l. 17. §. 17. p. 104. l. 1. Arminio. p. 99.
l. 16. dissentientium. p. 160. l. 9. Iconoclastæ.

*Reliqua minutiora sunt, commate, vel
literâ aliquâ inuersâ.*

Vnicum saltem in fine admonere
lubet, pag. 42. in margine manuscripti
extitisse dicti Iconoclastæ, q̄ lin. 11. post
Carolstadii textui inferi debebat, ac
in typographia, paucis isthinc lineis,
post

post *Oecolampadium* incidisse. Sed error non est error. Nam reuera *Oecolampadium* cum *Zuinglio*, *Capitone*, *Blaurero*, &c. in *Bernensium* sinibus aras, & Sanctorum statuas confregisse, & fustulisse narrat *Sleid.* lib. 6. contra. ad an. 1528. circa init. & omnes *Caluinistæ* sunt *Iconomachi*, & *Iconolastæ*.

Hugonotta verò in *Gallia* non tantum altaria, & Sanctorum monimenta concusserunt, sed ipsas quoque *S.* aedes, testæ, columnas, parietes, totum ædificium, atque structuram : Ac *Aureliæ* circa sexaginta diruerunt* templa, quorum ruinam viator, quisquis, & cuiuscunque religionis est, sine lachrymis intueri non potest; *Hugonottarum* verò furorem detestari.

*omnis ab
hinc circi-
ter viginti.*

Vale benigne Lector, & tu *Caluinista* resipisce.


FINIS.



er-
eco-
ito-
ini-
fre-
o. 6.
om-
, &

an-
en-
e S.
um
au-
m-
is,
la-
go-





hunc missu e. *Ecce*
trām et principes
dñm. et uoces pulsant
sabbatū legunt. in dñm
fuerūt. et nullū in can
tis inueniētes i eo: pe
pylato nō mittit eum.
cū esset omnia. que de eo
tunc deponentes eū de
fuerūt i monimēto. *E*
suscitauit eū a mortu...
qui uisus ē p dies multos
ascenderāt sū cū eo a g
n. in: qui usqz nūc sūt
ad plebem. Et nos uol

1234

1234

1234

1234

1234

1234

1234

1234

1234

1234

1234

1234

1234

1234

1234